

# COMETOLOGIA LACONICA

Contra Portentosam  
COMETARVM APPARITIONEM.

MARCI GRISALDI  
*Philosophi, et Medici Perusini, Insensati Aca-*  
*demici, Theoricon Medicinae in Patrio*  
*Gymnasio primo loco profitentis.*

Ad Illustrissimum  
SCIPIONEM BVRGHESIVM  
S.R.E. Card. Amplissimum.



BIBLIOTECA NAZIONALE  
ROMANA  
VITTORIO EMANUELE

P E R V S I Æ,

Apud Augustos. CID CI CVIII.  
*Superiorum permisso.*



Illustriss. ac Reuerendiss. D.

D. SCIPIONI  
BURGHESIO  
S.R.E. CARDINALI

AMPLISSIMO

Marcus Grifaldus. S. D.



ON essem au-  
sus, exigu-  
um, atq; ob-  
scurum libel-  
lum dicare  
Illustrissimo  
Principi; si  
non ille, pro  
sua tenui fa-  
cultate, causam Principum ageret  
aduersus inueteratam, eamque fal-  
sam sententiam priuatorum. Come-  
as omen Principibus timendum.  
quis



quis obsecro non putauit, non affirmavit Scriptorum siue veterum, siue recentium ? calumnia est , & iniuria , Cœlo temerè illata . Propterea crediderim, non affuisse Scriptoribus Iouem , de Cometarum natura differere conantibus . Hoc tam grande , ac propè impium , crimen paruus libellus euertere laborat : & aliquis miratur , si ad tantum Principem , & tanti Pontificis Nepotem, subsidij causa, confugiat ? Nam illud prudens omitto , quod meam Patriam Amplitudo , & Benignitas tua officijs cumulauit, semper mansuris : nunc enim neque actum gratias venio, neque relatum : illud mea prohibet infantia ; hoc tua non fert munificentia . Quid ergo est ? peto nouum beneficium , & me arctioribus tibi vinculis adstringo . Suscipe clientem tuendum , cui nouitas paruam auctoritatem , veritas multam

5  
multam inuidiam parauit , Ita tibi  
regalia fidera , quam Fortunam na-  
fcenti fpoponderunt , & adulto in-  
choarunt , mox maturo fœliciter  
abfoluant. Perufiæ. Pridie Idus De-  
cembris M. D. C VII.

## AD LECTOREM

Excell. D. Sebastiani Pessini,  
Philos. & Medici Lucensis.

**H**umana mens Propago Regis Caelitum  
Spreuisse fortis ludicras debet minas;  
Quas de Cometa somniat plebecula,  
Id esse verum monstrat hic doctus liber;  
Qui desipis cum plebe, ne legas, lege,  
Qui sapis, uterq; at potius hoc opus legat;  
Desipere sinet ille, & sapiet hic firmus.

Idem

Ad Excellentiss. Virum  
D. MARCVM GRISALDVM.

**S**istant ne quicquã toruo aspiciëntia vultu  
Lumina mirari credita ferre necem.  
Horrendũ non atra ferũt hæc lumina bellũ,  
Aut diram.è Superis ipsa tulere luem.  
Traxerat hæc quoddã Phæbus; tellure madete  
Ornarat radijs sæpe coacta suis.  
Quæ sit, si quærant, subiti splendõris origo,  
Quidue ferat, Phæbus, te referente, docet.

AD

7

# AD LECTOREM COMETES LOQVITVR.

**A** *Vserte magni Principes iristēm metū ,  
Iniuria quē priscus inuehit Sophus :*

*Haud cieo ego bellā Ducibus, haud Mar-  
tem voco ,*

*Nec vlla veniunt post Cometen funera ,*

*Pestēsque longe a Principum palatijs*

*Abeunt, tumultus, rixæ, & arma fraudibus*

*Surgentia , ignis, hostis, & fames abest.*

*Non ipse fātum classibus denuncio,*

*Hostis nec unquā per me ad urbis mœnia*

*Venit , nec ullum defero terris malum :*

*Quinimo pacem , Nestorisque secula,*

*Auguria pariter spondeo felicia ,*

A. 4. Calum

*Calum benignum reddo, tranquillū mare,*

*Quid hæsitis Principes? quid milites*

*Adhuc timetis impia hostis vulnera?*

*Quid nauta fluctus æquoris te territat?*

*Studete paruo seduli volumini,*

*Et lætitate maximi librum Sophi;*

*Docebit ille non timendum Principi,*

*Non militi, non vasta sulcanti æquora:*

*Me singulis fulgere prosperum iubar.*

Bernardinus Zibellinus

Perusinus.



Ad

MARCVM GRISALDVM

Excellentissimum Philosophiæ,  
& Medicinæ Doctorem.

## De Cometis differentem.

**E**T funus, et pestem, et timorē maximum*Incutere forti, aiunt, Cometen Principi.**At tu GRISALDE contra differens, dies**Cum longiores indicarier probes,**Quam Pylius auro vixerit prisco senex:**Et cum serenum spondeas Cali globum,**Vastique reddas limpidos freti sinus,**Cometa medio cum refulget in aethere:**Nō dubito, quin Astronomus egregius eluas,**Vt egregius & Medicus, & Sapiens cluis.**Idem.*

A 5 VIN-

# VINCENTII CORONÆ REATINI

Epigramma

In laudem Cometologiæ Excellen-  
tissimi D. MARCI GRISALDI.

**Q**VI pauet exustas, in fausto crine, Cometas

Hic relegat cartas; docte GRISALDE,  
(tuas;

Esse etenim monstras vani portenta timoris,

Et quod mendaci rumor ab ore fluat:

Num labor humanus! quod sic caelestia tractes

Omina, caelestis; non nisi, mentis opus.



In

In  
 MARCI GRISALDI  
 Excellentissimi Doctoris  
 Cometologiam,

BVRGHESIO alite defensionem

**P**rodi parue Liber: Princeps te diliget ōnis,  
 Cum spoliis pauido regia corda metu.

Prælia clamabant, pestemq; famemq; Cometa,  
 Omnia fundentes æthere dira prius.

Rex miserranda sibi metuebat fata, cruentam

Intuitus faciem, sanguineasque Comas.


Talia per te hodie non æplius astra loquuntur

Omina, nec mundo monstra timenda ferūt.

Quod si cruda parent te perdere tela Sophorū

Ne verearis. adest Armiger ipse Iouis.

o: Baptista Bottinius  
 A. 6 Lucensis.



13

# SYNOPSIS TOTIVS OPERIS,

Quæ breuiter complectitur quicquid  
in singulis continetur  
capitibus.

## Cap. I.

**E**X varijs Cometæ nominibus, veri se-  
liguntur, & eius finitio per quatuor  
causarum genera proponitur.

## Cap. II.

**M**ethodo diuisiua quotquot extant de  
materia, & esse Cometarum, opi-  
niones recensentur, & quæ vera, in-  
dicatur.

Cap.

## Cap. III.

**I**N eos, qui Crinitarum materiam Cœlestem, sunt arbitrati.

Aduersus Pythagoreos, Platonem, Senecam, qui posuere Cometam esse vnum Planetam.

In Apollonium Mindium, asserentem, Crinitam esse plures Planetas.

Contra Hieronymum Cardanum, cui Cometa est globus siderens, a Sole illustratus, per quem transmissi radij Comam faciunt.

Petrus Surdus notatur, dum Cardanum defendit.

Anaxagoræ opinio exploditur, dum congressum Planetarum Cometam affirmat.

Attemidorus reprehenditur, asserens, Cometam esse insinatarum Stellarum coitum.

## Cap. IV.

**A**Duersus illos, qui Crinitarum materiam fecere Elementarem,

Boëthius dicebat, nubem inflammata[m] esse.

Cri-

Crinitam, insulse tamen ob varias rationes.

Epigenes reprehenditur, dum ponit, Cometam esse vaporem in turbinibus, & ventorum contrarietate eleuatum.

Quantum ascendant vapores.

Qui, vel ignei elementaris portionem densiorem, vel perfectum mistum, ceu carbunculum, fecere Cometam, reijciuntur.

## Cap. V.

**I**N eos, qui permistæ naturæ Crinitas, dixere.

Lux densa nube comprehensa a Stratone Lampasceno, vel nubes illustrata ab Heraclide Pontico inepte Cometa iudicatur.

Hipocrates Chius Mathematicus damnatur, dum affirmat, Cometam esse Planetam, qui Comam assumit ex aspectus nostri a vapore, quem illud attrahit, ad Solem reflexione.

Iulij Cæsaris Scaligeri sententia reprobatur, cui Cometa est fumus irradiatus a Sole.

Vera

**Verz Crinitarum:** materia est calida, & sicca exalatio. ; & quas debeat habere conditiones, demonstratur.

**Eadem:** ignitorum, quæ in sublimj fiunt, matetia.

**Cometarum:** materiæ ascensus, & attractionis causæ.

**Corollarium in Antonium Mizzaldum.**

**Cometæ:** Cœlestes ab aëre vbi generantur, quem Cœlum, Ætherem dicimus.

## Cap. VI.

**Formarum:** diuisio, cognitio.

**Ignæ forma:** substantialis Cometæ.

**Iulius Cæsar Scaliger:** notatur, dum ignem hunc nostrum eiusdem rationis cum Elementari ponit.

**Accidentariæ Crinitarum formæ:** vnde pendendæ.

**Historicorum, Astralögorum, Aristotelis, & aliorum Philosophorum de speciebus, differentijs, & numero Cometarum reiectis opinionibus, quid sentiendum sit hac in re, proponitur.**



## Cap. VII.

**Q**Vorumdam reiectis placitis de Crinitarum loco, eas in superiori aëris regione fieri, indicatur.

Supremæ aëris regionis partes duæ, quarum vna cur altera in motu velocior.

Quomodo in harum vna, vel altera Cometæ geniti dignoscantur.

## Cap. VIII.

**F**Vndamenta Cardani, & aliorum octo in aëreum Crinitarum locum diruuntur; quorum occasione multa, scitu digna enarrantur.

## Cap. IX.

**E**ffectricibus Crinitarum causis, tum proximis, tum remotis verè explicatis, Epigenes notatur, dum ventum ijs adiecit.

Argumentum in eam veritatem dissolvitur.

Al-

Albumasar, & Arabes reprehenduntur, dum Martem Cincinnatorum siderum auctorem, & patrem agnoscunt.

Qui luminarium deliquia, Mercurium, & Martem Crinitarum effectores, sunt arbitrati, eos esse a vero longe alienos, probatur.

## Cap. X.

**N**on trinum Cometis motum, ut putant Cardanus, Mizzaldus, sed quinum competere, scribitur.

Et unius cuiusque speciei ratione elementaria assignata, non facile immobiles Cometæ conceduntur.

Phænomena quoque in Crinitarum motu absque vlla siderum actione saluantur.

## Cap. XI.

**S**ideribus aliquando alligatæ Crinitæ quomodo per motum possint dignosci, explicatur.

Cuius motus varij ratio petita ab Astris  
Et

Et Hieronymum Fracastorium, nouum orbem sub eo Lunæ locantem, pro motu Crinitarum in lacus saluando, redarguit.

Et Regiomontani exemplum de miro vnus Cometæ motu illustrat.

Cuius occasione Mizzaldi notata inconstantia, blande alter eius error detegitur.

## Cap. XII.

**E**ORVM sententia reiecta, qui vel casus, vel materiæ necessitate generari Cometas, putarunt.

Quorum finis verus, isque multiplex, & diuersi sunt, & dum facti sunt, assignantur.

Ac tandem ab Astrologis adscripti fines Crinitis, & effectus, quò disputationi subijciantur, proponuntur.

## Cap. XIII.

**E**ORVM, quæ ab electione fiunt cum Astrologis, quomodo physicæ causæ sint Crinitæ, declaratur, obseruatione, &

& Poëtarum testimonio confirmatur.

Mox id totum, quod hac in re scribunt Astrologi, impugnatur.

Bellorum, rixarum, & istiusmodi malorum seminaria vnde, aperitur.

Poëtis, & obseruationibus respondetur.

## Cap. XIV.

**P**Rincipum mortes, pestes, Cometis naturaliter adscriptæ, cum Astrologis explicantur.

Mox figmentum esse eorum opinionem, probatur.

Quorundam fuga impugnatur.

Pestiferæ constitutionis æris, causæ proponuntur.

Quomodo ab apparitione Cometæ Magnætes pereant, Physica, & Theologica ratione illustratur.

Tandem Annonæ inopiam non pendere a Cometis, demonstratur.

## Cap. XV.

**V**I cœlitus immissa Astrologorum aliqui diras tot malorum causas faciunt Cometas

Cometas, quorum opinione multis argumentis refutata, obiectione quadam soluta; iudicio D. Basilij de Astrologis appposito: Sacrae Scripturae auctoritate satisfaciendo Haly, simul omnibus observationibus, & auctoritatibus, quae ab Astrologis in propriae sententiae confirmationem adduci possent, respondetur.

## Cap. XVI.

**C**Ometas naturalia signa tot malorum, quae ab Astrologis temerè illis imponuntur, haud esse posse, probatur.

Experientiae, ac exemplis adductis, alijs experimentis, & exemplis ( indicata deceptionis Astrologorum causa ) respondetur.

## Cap. XVII.

**S**ignorum diuisione praemissa, & eius partibus declaratis, neque humana, neque diuina signastrarum calamitatum esse posse Crinitas, probatur, qui nobis



nobis, bona multa pollicentur.

Obiectiones aduersariorum ex sacris litteris è medio tolluntur.

Ac tandem si quid mali Crinitæ, Hæreticis, alijsque impijs a vera fide hominibus, non Christianis, minitantur.

## Cap. XVIII.

**M**ulta per se, & alia queque per accidens a Cometis indicari, & lapides in aëre generari, demonstratur.

## Cap. XIX.

**M**ultorum reiectis opinionibus circa Crinitarum perdurationem, varium, & indefinitum tempus illis deberi, probatur.

**C**ometologicorum problematum Synopsim consultò omisimus ; vix enim quæ ibi habentur , compendiosius dici possent ; quare ad ea Lectorem remittimus , cuius iudicio inter imprimendum errata iudicanda quoque relinquimus.







# DE NOMINE ET DEFINITIONE COMETAE

## Cap. I.



OMETOLOGIAE huius  
nostræ initium, seu ser  
monis de Cometis pri  
mordia, a Cometæ vo  
cis vsu ducamus; in  
de enim sæpius in rei perceptionem  
prouehimur, quemadmodum Diui  
nus Plato in Cratilo, multis in locis  
a secretis naturæ Aristoteles scri  
ptum reliquit. Nomina siquidem  
ad rerum substantias data distin  
guendas. Cometes igitur, aut Co  
meta, Κομήτης Græcis, Latinis Cri  
nita,

## 26 Cometologia

nita, & Cincinnata Stella, auctore Cicerone 2. de nat. Deorum, omnibus suis speciebus impartitur notationem; non quòd singulæ cum crinibus circumcirca, sed frequentiores, & præstantiores. Qui verò timendum sidus, dirum Regnorum euerforem, calamitatum prænuncium, legum peruerforem, bella, pestem, principum mortes, annonæ caritatem, infinitaq; alia propemodum mala afferens, ominosum astrum vocant, (libere loquar, nam

*Regia res verax lingua est, et pectus apertū* )

haud quaquam certis rationibus inniti videntur: namq; euentuum horum nullus Cometæ, vt causæ, vel signo, adscribendus, ex veris fundamentis demonstrabitur, cum natura nostra propensior semper ad demonstrationem, quam ad reprehensionem fuerit; Eorum verò basis sit Cometæ finitio. Est enim fumimida exalatio ad summam æris regionem

gionem elata ; calida vi incensa, ad multarum rerum, & ignis præsertim speciem seruandam. Hanc si ex quatuor causarum generibus conflata definitionem ostendam, bonam me dedisse existimabo. Fumida exalatio, Materia. Locus, Aëris superior regio. Forma, Ea ignitorum. Efficies, Calida facultas. Finis, Conservatio quarundam specierum. At hæc fusius examinare libet ; a Materia incipiam, tamquam a causarum radice.

*De Materia Cometarum, cuius occasione, definitiones ab alijs de Cometæ materia tradite, excluduntur.*

## Cap. II.

**A**NTIQUVM certamen, & adhuc sub Iudice litem, aggredior, sint ne Cometæ Cælestis materiæ, an verò Elementaris.

Necesse itaq; est, Cometarum materiam, vel esse Cœlestem, vel Elementariam, vel commixtæ naturæ. Hi cœlestem arbitrati sunt, quibus Cometa est, vel Cœleste corpus, vel aliud ab eo fluens. Si corpus, vel vnus errans Planeta, vt Pitagorei, Plato ex Olympiodoro, & Seneca; (demptis tamē Luminarijs, quę representare haud posse Crinitas, est communis assensus) vel plures Planetæ, vt Apollonius Mindius; vel globus fidereus, vt Cardanus. Si quid a corpore, vel congressus plurium Planetarum, vt Anaxagoras, & Democritus; vel coitus infinitarum propemodum Stellarum, vt Arthemidorus. Elementaris verò visa alijs, quibus nimirum est, vel nubes inflammata, vt Boëthus, et Xenophanes putarunt: vel vapor accensus ventorum, & turbinum vi, vt Epigenes; vel particula ignei elementi densior facta; vel perfectum mixtum in suprema regione fulgēs.

tam

tamquam carbunculus : vel ardens exalatio , vt Aristoteles . Mixta quoq; est a multis posita : nam vel lux densa nube comprehensa, ac obuelata , vt Strato Lampascenus existimauit; vel nubes illustrata, vt Heraclites Ponticus : vel Stella Cœlestis , & Coma Elementaris , ab attracto ad Solem aqueo humore , repercussione luminis facta, vt Hypocrates Chyus Mathematicus ; vel contra Coma Cœlestis , & Stella Elementaris, vt Iulius Cæsar Scalliger . Harum opinionum nullam, præter eã Aristotelis firmam, rationiq; consonam esse, partim ex primo Metheor. partim ex nobis, ipsi demonstrare conabimur .



*Cometarum materiam non  
esse Caelestem.*

## Cap. III.

**Q**UI volunt, Cometam  
esse alijs superadditū  
Planetam, vt Pitago-  
rei, ab his se vēdicare  
nō facilē queunt. Stel-  
lae ōnes sphericæ sunt  
(vt secundo Cœli bonus ille naturæ  
genius Arist. fusè demonstraui) Co-  
metæ verò plures in longū porrecti.  
Neq; Senecę fuga valet, dū ait, Crini-  
tarum Stellarū corpus rotundum; at  
oblongum videri ob porrectū splēdo-  
rē: namq; Sol, siderum omniū splen-  
didissimum, non ita in longum splen-  
dorē suum extendit, vt astrum videat-  
ur oblongum. Præterea Planetarum  
motus non fit extra Zodiacum, qui  
in altitudine duodecim, vnde Pla-  
neta

neta ultra sex gradus eo motu non  
 voluitur in lōgitudine 360. graduū:  
 plures verò viſi Cometæ Meridiem  
 verſus, & Septentrionem, in longa  
 a ſignifero diſtantiā, non ſolum in  
 Auſtrali, & Occidentali India, vt  
 ſcribit Cardanus, verūm & alibi, vt  
 hiftoriarum narrant Scriptores :  
 neq; plures ſimul apparerent Co-  
 metæ; eiufdemq; ſemper eſſent figu-  
 ræ, quæ tamen experientia refellit,  
 cum duo, & tres quandoq; appa-  
 ruerint, alij vndequa; Comati, alij  
 in vnam tantum partem crines fe-  
 rentes barbati, alij caudati, & di-  
 uerſarum a circulari figurarum.  
 His accedit Aegyptiorum auctori-  
 tas, qui Stellam fixam (vt refert  
 Philoſophus) in Canis femore, ac-  
 cepta coma, Cometem factum ob-  
 ſervarunt; & viſus, ac diſſolutus  
 Cometes 1605. in Sextodecimo Sa-  
 gittarij gradu, vbi eo tempore Pla-  
 neta nullus; & hanc aperte opinio-  
 nem inanem eſſe demonſtrat, & al-

teram Apollonij qui plures dicebat esse Planetas Cometes. In eam & nuper, inquam, pugnant adductæ rationes, & quod super Horizontem visæ Crinitæ, evanuerint, nulla relicta Stella, vt exemplo demonstrat Philosophus Metheor. primo de Cometa, non Sole minoris magnitudinis in Acaia, qui cum per saltum occumberet, maximo emissio lumine, per sexaginta gradus Emispherium collustrans, nullum reliquit astrum Planetarium. Præterea ab Apollonio quærerem, qui arbitratus est, non eundem, sub Claudio visum Cometam, qui sub Augusto; nec eum, qui sub Nerone, similem illi fuisse, qui sub necem Iulij emerfit; Quam ob causam multa illa errantia sidera tam rarò emergant? nam si inrarum, & post multa temporum intervalla a Sole digressum, causam respondeat, profectò opus est; cur non certis temporibus, quæ  
ab



ab Astrologis, vt reliquorum quinq;  
 Planetarum digrefsionis, & difiun-  
 ctionis tempora obferuata fint, fi-  
 dera illa a Sole digrediantur, fed  
 nunc longioribus, nunc breuiori-  
 bus, nulla temporis feruata men-  
 fura. Instat altera rursus ratio;  
 nam per vniuerfum Cometam acies  
 fepe transmittitur; at nifi per ali-  
 quam partem transmittatur, non  
 est illa certa, ac definita; fed mo-  
 dò hæc, modò alia, pro vt denfa,  
 aut rara magis erit materia; per  
 sidera verò vltiora non cernimus;  
 neq; ab orbe condito auctus, & ob-  
 feruatus tam varius, qui in Come-  
 tis, errantium Planetarum motus,  
 & numerus, quorum orbes in mul-  
 titudinem aliam a feptenaria non  
 abire, norunt Astrologi: at demus  
 ei, astra dari Planetaria plura,  
 nimium hæc effent in motu irregu-  
 laria, cum, nulla annorum obferua-  
 ta ferie, confpiciantur Crinitæ; in  
 Cælis verò omnia fimmetra cum

règula, & mensura. Earumdem demonstrationum nonnullæ in Cardanum emittūt iacula, qui globum, in singulis Cœlis a Sole illustratum, per quem transmissi radij comam faciunt, Cometam existimavit; quibus has superaddo, quòd & singuli Cometæ barbati certo temporis intervallo, & frequentius, immo per totum annum, vt aliæ Stellæ, conspicerentur: Neq; dicat, aëris densitas, ne videantur, impedit: nam per plures dies, nebuloso, obscuro, ac nubiloso Cœlo 1578. Crinita, Stella a plurimis visa, & obseruata fuit. Ponit præterea Cœlum sideribus, & istiusmodi ciccindelicis globis, sed non densis admodum plenum; verùm aëre siccescente accipere lumē, quæ nec placent: nā Aristoteli sunt veluti in tabula nodi, & densiores Cœli partes fiderei globi; nec ob aëris siccitatem astra in Cœlo inflammari, est audiendum; nam, miserum æternum illud, quod a caduco

duco patitur ; quare etiam non æquè omnes illi globi Cardanei accenduntur . Ridiculum est etiam existimare, in Planetarum orbibus alios esse stellatos globos, præter Planetarum corpora : Triplicem quoq; motum tribuit Cometis. Rotari eos dicit motu primi mobilis : Planetarum altero . Tertio Septentrionem versus : hæc verò sidereo fixo globo euenire nequeunt, qui diuersis in locis, veluti in puerilibus, modò apparet, modò absconditur Cardano, a quo & illud desiderarem, Et quare etiam non astra omnia sic Comata fiant a Sole? Et quomodo li. 14. de Variet. ca. 60. scribat; Inter nobilissima, quæ in aëre ostenta videntur, sunt Cometæ, de quibus aliàs dictum est? Si enim in aëre, quomodo globi Cælestes? Neq; existimandum est, ab exalatione, in aëre accensam faciem Cardano esse Cometam ; in Cœlis vero globum æthereum eum posuif-

## 36 Cometologia

se , quo in subtilioribus ingenia nostra exerceamus , vt Petrus Surdus malè iudicauit . Nam & in libris de Subtilit. & in primo de varietate , & in Commentarijs super Ptholonæi quadripartitum , ex professo longo sermone , contendit in Peripateticorum opinionem . Eorum igitur , quæ scripserat , oblitus , eo in capite apertè sibi scripsit contradicens . Congressum , vero omnium , vel plurium Planetarum esse Cometarum materiam , vt voluit Anaxagoras , nec Aristoteles admisit , nec nos permitimus : nam eum reprobant priores in Pitagoreos rationes ; Et plurium inter se Planetarum , ac etiam fixarum Stellarum coitus , certe factus , nulla succedente Crinita , vt Aegyptiorum testatur auctoritas , ab Aristotele Methor. primo allata ; & ipsius obseruatio , qui Iouis Stellam vidit , cum alia in Geminorum signo coë-

untem

untem ; & huius visa Eclypsis ,  
 Cometa nequaquam ; qui tamen  
 apparuisset , si ab vnione erran-  
 tium siderum oriretur ; nec stellas  
 coeuntes , ac iunctas , aut magni-  
 tudinem maiorem posse efficere ,  
 aut lumina sua miscere , splendi-  
 dumq; aliquid spectandum exhibere ,  
 concedit Aristoteles eodem  
 loco , cum, veluti puncta indiui-  
 sibilia , visui appareant . Præterea,  
 Stella stellæ superueniente, si ori-  
 retur Cometa , momento esse de-  
 sineret ; velociter namq; transe-  
 unt , ob eamq; causam siderum  
 omnium defectio brevis est , quip-  
 pe quæ eodem motu inter se disiun-  
 guntur , dum feruntur admota .  
 Sol enim, & Luna, cum lumine de-  
 stitui cœperint, intra exiguum tem-  
 pus liberati , illud recipiunt , &  
 quò fuerint stellæ minores , cò  
 celerius obscuratas , illuminari est  
 opus . Crinitas autem non tam  
 celeriter transire , ac desinere  
 non

non ne constat eius exemplo, quæ Neronis tempore senis mēfibūs se-  
se spectandam præbuit? Præterea  
tanto interuallo disiuncta sidera nō  
adeo inter se vniri posse, credo, vt  
Cincinnatiæ Stellæ speciem repræ-  
sentent; & si referrent, citò exole-  
rent instar Coronæ, quæ Solem, &  
Lunam solet cingere. Neq; tot co-  
lorum, & figurarum species, quas in  
Cometis per eam luminum misce-  
lam diutinas fieri posse, doctè demon-  
strauit Seneca. Quot etiam Stellas  
congregari inter se oportuisset in ma-  
ximo illo Cometa, qui, Attalo re-  
gnante, dum extingueretur, tertiam  
Hemispherij partem illuminasse di-  
citur? & in altero, qui post mortem  
Demetrii Régis Syriæ effulsit, non  
sole minor? Centum enim in vnum  
licet astra congregentur, numquam  
Solis magnitudinem adæquabunt.  
Quæ fanè argumēta in Arthemido-  
rum quoq; pugnant, qui sibi innume-  
rabiles finxit stellas, per occultū va-  
gantes

gantes, aut ob circuloꝝ situm, aut propter luminis obscuritatem, nobis ignotas, quarum aliquæ si fortè cum fixis lumen suum miscerent, & maiorem, quam solent, splendorem porrigerent, Cometam fingerent; nam & captum superat humanum, tot vagantia sidera in Cœlis haberi, quorum maximi coitus, paulo ante enumerati, Cometas producerent; quæ tamen ab Astrologis obseruata ne dum essent, verùm nec vllò vñquam tempore visa, nisi cum ad Cometem repræsentandum in vnum, coiuerint.



*Cometarum materiam Elementarem non  
esse ab aliquibus positam esse.*

### Cap. III.

**I**N Vbem autem inflama-  
tam Cometē ponere  
(bona venia dicam)  
Boëthi dementia est.  
Nā cū humida sit nu-  
bes, & aquea, mini-  
mè est ad incētionem accōmodata,  
quam, si in siccitatē conuerti velint,  
in exalationē alienigenæ naturæ ab  
ea nubis degenerare, fateantur, est  
opus: Neq; nubes ad superiorem  
mundi plagam ascendunt, argu-  
mento Montis Olympi, vbi cine-  
res ex sacrificijs relictos, in sequen-  
tem annum seruatos, veteres gra-  
uissimi memoriæ prodiderunt.  
Audiendus pariter minus est Epige-  
nes, qui vaporē in turbinibus eleua-  
tum a ventorum contrarietate Co-  
metam est arbitratus: nam turbi-  
nes



nes breuissimo temporis spatio durant, & eodem modo vapor ille a terra subleuatus se haberet; namq; non amplius, flantibus ventis, alter non eleuaretur; vnde diu Cometa non existeret, cum tamen vltra annum perdurasse a Iosepho lib. 7. de Bello Iudaico, scribatur is, qui supra Hierosolymam, gladij figuram referens, apparuit. Neq; vapor ob aqueum humidum inflammacionem adimittit, nec supremam illam pertingit regionem, sed tantam ad secundam vsq; aëris eleuatur, id quod apud Perspectiuos notissimū est: ex Vitellione enim 10. theor. 60. demonstratur, crepusculis medijs vapores, nubium materiam, haud ascendere secundā supra aëris regionē: eleuatur enim M. fere 49. quę faciūt miliaria 52. secundum verò Alfraganum, & Piccolomineum 73. miliarijs verò 263. eleuari vapores, vt arbitratur Cardanus, dum Vitellionem reprehendit, non vera scribit; vere

vere verò, & doctè a Petro Surdo de Cometis parte prima castigatur, & Vitellio defenditur. (at hæc par-  
 erga dicta sint) Firma verò haud  
 quaquam est alia opinio scriben-  
 tium, ignei elementi densiorem,  
 factam particulam esse Crinitam  
 Stellam in supremo loco: nam a fri-  
 gore fiunt res densiores, vt glaciei  
 exemplo patet apertè: ibi vero quo-  
 modo frigus, cum et ab ignis præ-  
 sentia, & a continuo in gyrum ra-  
 ptu eius regionis, non admittatur.  
 Mixtum verò perfectum fulgens, ve-  
 luti carbunculus, nec est Cometes:  
 nam in omni mixto perfecto terra  
 prædominatur, ex Arist. lib. 2. de Ge-  
 ner. context. 49. Vel nisi terreum  
 elemētum, neq; aër, neq; ignis adeo  
 præualent, vt possint ibi tam diu  
 remanere; non ergo esset locus eius  
 naturalis supremus, neq; a prælo-  
 minio moueretur.

*Cometam non esse permixta materia,  
sed Elementaria .*

Cap. V.



Cribere autem cum  
Stratone Lampasce-  
no, lucem densa nu-  
be comprehensam,  
esse Cometam ; Vel  
cum Heraclide Pon-  
tico, nubem illustratam, nec tutum  
est: is enim, debellatis nubibus, sæpe  
sæpius conspicitur, Cœlo sereno; flā-  
tibus ventis, indeterminatè vagare-  
tur in varias Mundi plagas ; neq;  
senis, totidemq; mensibus perdu-  
raret ; neq; tot formarum, colo-  
rumq; speciebus esset refertus, sed  
vt Halo, cuius figura circularis, vel  
semicircularis tantum : multum au-  
tem in figura, & in alijs Halo à Co-  
meta differt, vt fusè Philosophus  
Metheor.

Metheor. primo. Nubium etiam natura in supremam aëreis regionem ascendere repugnat; in media namq; vertuntur in niuem, grandinem, pluuiam, &c. penès temporum, atq; earum materiae varietatem. quod & altissimorū cacumina montium, niue, pruinis, imbribus, ventisq; denudata, confirmant. Qui verò aiunt cū Hipocrate Chyo, Cometam errantium siderum vnum esse, quod Comam ex se non habeat, sed eam assumere ex aspectus nostri a vapore, quem illud attrahit ad Solem, reflexione; priores rationes refellunt, quibus demonstratum est, nullum ex errantibus esse Crinitum sidus; Et quòd supponant, visionem fieri per extramissionem, cuius contrarium fusè demonstrant Peripatetici; Et scribant, sidus illud errans non ubiq; Comam assumere, sed in Septentrionibus solum, cum Sol est in æstiuæ conuersione. Quod si ita esset

esset, alicubi sine Coma fuisset visum, cum in singulis Cœli locis possit a Sole separari; quod tamen Astrologi (dicebat Arist.) haud obseruarunt. Et Comata illa Stella, Sole maior in Acaia apparuit versus occasum Aequinoctialem sub Zona torrida, æstiuo tempore, non in Septentrione. Affirmare verò cum Iulio Cæsare Scaligero, Cometam esse in summam aëris regionē fuligineum attractum fumum, qui non sit ardens, recipiens Solis radios, idcirco visibilis, & transmittens eos, atq; ideo caudatus, non tutum est. quare enim non ardet, cum neq; materiæ, neq; loco repugnet: rotatu assiduo trahatur, ac motus ne dum fumidâ, & fuliginēam materiam ignire, quæ suapte natura, & potestate proxima, ardens; æquè & appetit, & patitur se indui, ornari, ac informari igneis formis, quarum quidem seminarium est; verum etiam ligna  
lapi-

lapides, & ferrum, sit opus, vt Aristoteli placuit in lib. de Cælo, cui alludens Iouianus Pontanus in Meteorol. ita scripsit.

*Si ferro præfixa, & neruo impulsæ sagittæ,  
Aëra per vacuū ignescitq; ardetq; volādo.*

Quare etiam astra dum videntur, ob receptum a Sole lumen, non caudata omnia in luminis ad nos transmissione? caudati quoq; sic omnes essent Cometæ; nec per fumidam, & fuligineam materiam ad nos transmissi Solares radij rubicundos, & claros Cometarum colores, sed atros, repræsentant. Qualis hic est videlicet, qui extra Zodiacum in Occidente propè Bootem nunc conspicitur, deditq; nobis præsentem scribendi occasionem. Quæ cum ita se habeant, quisq; nō sciat, quam periculosum sit, recedere ab Aristotelis doctrina, quæ sola, cum omnes habeat veritatis numeros

ros , superest de Cometarum materia perpendenda . Dicamus igitur, Cometarum materiam esse calidam , & siccam exalationem , mediocrem , sulphuræ pinguedinis, & bituminosæ haud expertem . Priorem conditionem, nimirum esse calidæ, & siccæ naturæ, demonstrat a signo Philosophus , & a concomitantibus Crinitarum ortum ; eo enim tempore regionibus , Crinitis Stellis subiectis , anni constitutio calida est , sicca , ventosa; venti enim ab eadem calida , & sicca exalatione prodeunt . Inde versus

*Crinita existunt multa, feruentibus annis.*

Altera ex eo demonstratur, quod non adeo defa esse debet, vt inflammationi repugnet ; neq; adeo rara , & brevis , vt cito, veluti stupa , cremetur ab igne : tunc enim generarentur aliæ impressiones ignitæ, quæ citò extinguuntur . debet igitur esse  
me-

esse mediocris inter tenuem, & crassam. Tertiam odor ignium, de Cœlo in terram delapsorum manifestè probat. Hæc eadem materia pro diuersitate regionis, figuræ, raritatis, densitatis, lentoris, crassitiei multitudinis, &c. Transuolantia sidera, Igneas trabes, Dracones volantes, Capras saltantes, aliaq; ignita Metheora gignit. Equidem Arist. apertè docet, inter Stellarum traiectiones, & Cometas nullum aliud hac quidem in parte discrimen existere, quam quod in istis materia in longum exporrecta, tenuis admodum, & dissipatu facilis est, & ob id ignem accensa propter crassitiem, & densitatem retinet; Sicut vero in puluere bombardario in longum sparso cum ab vno capite flammam accepit, eadem celeriter ad alterum caput nullibi consistens transuertit propter materiam inflammatu, & dissipatuabilem, ita ferme in discurrentibus Stellis contingit.

In



In Cometis nequaquam, cum eorum materia multò densior, crassior, copiosior existat, seu magis lenta, vel viscida, vt scribebat Alex. & Iacobus Milichius in Commentarijs Plinij lib. 2. cap. 25. ab Alex. accipiens, idem confirmat. Quò fit, vt aliquot sæpe mēsis ardeat, suppeditata etiam exalatione noua, quæ continuè scandens in locum primæ, eius, quod erat absumptum, supplet. Vnde Poëta

*Apta alimenta sibi dimissus corripit ignis,  
Materiamq; sui deprendit flamma rapacē.*

Conscendit verò tenuitate substantiæ, similitudine qualitatū, adiuuante incenso Cometa, qui ascensum fouet attrahendo, cum a calore, vacuo, & a simili fiat attractio. Hæc de materia, quibus priorem propositæ definitionis partem non solum me declarasse, verum abundè demonstrasse, puto. Quæ verò hic  
C      obijci


obijci mihi posse sentio, dissoluam  
aptiori loco, vbi de loco Crinita-  
rum tractabimus, & problemata  
enodabimus. Ad Cometarum for-  
mam nostra se vertat oratio, quæ  
cum è materiæ gremio educatur, ca-  
ueat sibi Antonius Mizzaldus, dum  
primo Cometographiæ 14. Come-  
tarum perquirens naturam, quæ  
tantum propriè de materia, & for-  
ma dicitur, vt in Physicis demon-  
strauit Arist. Cœlestes, & Elemen-  
tares dici posse, autumat. Forma  
enim, & materia in Cometis vnde-  
quaq; Elementaris, & per cōsequens  
istiusmodi vera natura. Neq; con-  
fugiat ad particularem Cœlorum  
virtutem, a qua excitantur Come-  
tæ, qui ( vt inquit ) suorum Plane-  
tarum gressum sequuntur, & eorum  
indiuia significata nobis ob ocu-  
los ponunt, & motum multiplicem  
ab omni materiæ ratione prorsus  
alienum, modulantur: horum enim  
nullum, neq; verum, neq; verisimile  
de-

demonstrabimus esse ; subtilius ta-  
men dicere liceret , Cœlestes dici  
posse Cometæ, Poëtarum , & Medi-  
corum consensu , qui aërem , in cu-  
ius regionis loco summo Crinitæ  
generantur, quâdoq; Cœlum, Aethe-  
rem nominare, non dedignantur, aut  
formas singulas Diuinæ , seu Cœle-  
stis naturæ esse participes ma-  
gis, minusve , prout dant ef-  
fe his , quæ sunt , vel  
habent ab eo ,  
quod cun-  
ctis perfectio-  
nem elar-  
gitur.



*De forma Cometarum.*

## Cap. VI.


**F**ORMARVM alia sub-  
 stantiales, alia acci-  
 dentales. Priores mē-  
 te comprehendūtur.  
 Posteriores sensibus  
 dignoscūtur. Vtræq;  
 in præsentia veniunt in Cometa-  
 rum considerationem; quorum for-  
 ma substantialis nulla certè præter  
 eam ignis non quidem Elementaris,  
 sed eius, qui propè nos. Est enim  
 mixtum Cometa, & licet imperfe-  
 ctum, tamen eiusmodi, vt purio-  
 ris ignis rationem non habeat, cum  
 ardeat, vratur, luceat, depascatur,  
 neq; momento maneat sine pabulo.  
 quorum nullum elementario igni  
 conuenit. Caueant igitur, qui ignē  
 hunc nostrum, elementarem con-  
 densatum eiusdem speciei, cum Sca-  
 ligero,

ligerò, dicunt. Quòd verò id, quod dat esse Cometæ, ignis sit, facile demonstratur; quia igne in eius natura extincto, nullū esse Cometa habebit, nec Cometes erit amplius; immo neq; ante formę ignis aduētum eiusmodi quippiam erat, sed tantum exalatio oleaginosa, calida, & sicca. Erit igitur ignis vera Cometarum forma, flamma enim sunt, quæ spiritus sicci feruor est, vt Arist. ait lib. 1. Metheor. cap. 1. Accidentariæ verò Cometarum formæ a figura, coloribus, loco, magnitudine, tempore, motu, & accidentalibus multis differentijs, finitis terminis haud constringi posse, credo; cum accidentia in infinitum variari queant, vt norunt Philosophi. Quibus tamen cancellis eas constringere conati sunt historiarum Scriptores, Astronomi, Naturales Philosophi, videndum est; atq; differentias, & Cometarum species varias propterea aggrediemur.

## 54 Cometologia

Priores igitur (auctore Plinio) Cometas decē obseruarunt. Primus est, qui Κομήτης ppriè græce, & Comā habet circūcirca. Alter Πυγονίας, seu Barbatus, cum in vnam tantum partem crines feruntur. Alius Ακόντιας græcè, Iaculū latinè. Quartus Ξφίας, vel Ξίφος græcè, latinè Gladius, ēsis. Quintus, qui aureo colore nitet, Χρύσιος græcè, Aureus latinè. Sextus Κερατίας, seu Κερατώδης, instar Cornu, nā Κέρας græcis Cornu est. Septimus δαλός, δαός, & δαός græcè, Lampus latinè, Torris, Fax. Octauus Ιππεύς græcè, latinè Equinus, in equi formam, qui dicitur a Græcis Ιππος. Nonus Ανθρωπόδης, quia hominis formam præfigit. Decimus Αιγίς græcè, latinè Capra, vel Caper saltans a crinibus, & velleribus, & moribus dictus. Has igitur Cometarum species observatione adinuentas, referunt historiæ Scriptores, neq; plures, neq; pauciores: quibus certè, qui sapiunt, ne subscribant; nam hæ, seu  
a dif-

a differentijs accidentalibus, seu a coloribus desumantur, non sufficiūt, cum longè plurima sint colorum, & accidentium Cometarum genera. Si confugiāt ad locū, pauciores ponāt, est opus. Si se vertant ad figuras simplices, duos tātum Cometas cognoscent; nā circularis, & recta tantū est simplex figurarū species. Si ad mixtas, quot earum species cōstituit Euclides, tot Cometas ponēt. Quò igitur se vertant Historici, nō habent.

Astronomi verò iuxta nouem Planetarū in signis Cœlestibus, quas vocāt exaltationes, totidē confinxerūt Cometarū species. Prima generatur (inquiūt) in parte exaltationis Lunę, quę Argētū vocatur, habēs pulcherrimū radiū, instar purissimi argenti, adeo vt vix cōspici possit. Altera in ea Mercurij, versicolor, parua, clara, ac varia multorū crinium, & Dominus Asconæ dicitur. Tertia in ea Veneris, & dicitur Miles, Cometa magnus, Lunę figurā subiēs crines, &

## 56 Cometologia

radios retro fundens , 12. signa per-  
currit . Quarta in ea Solis habens hu-  
manum vultum , quæ Rosa voca-  
tur , ex eo quia color eius ex auro ,  
& argento commixtus est . Quinta  
in parte exaltationis Martis, caput  
deorsum declinans , caput sursum  
extollens , & inde Aurora dicitur .  
Sexta in ea Iouis, quæ cum erecta ,  
super igneam basem conspiciatur ,  
Columna , & Tenaculum appella-  
tur . Septima in ea Saturni , estq;  
vndequaq; sine cauda , cerulea , &  
propterea Nigrum vocatur . Octa-  
ua in exaltatione capitis Draconis ,  
vt Draco ardens, Pertica vocata, cū  
sit figuræ oblongæ. Nona in ea Cau-  
dæ , persimilis Perticæ aspectu, hor-  
rida; & quoniam iuxta Solem decur-  
rit, Veru dicitur . Quod quidem,  
Astrologorum figmentum haud cō-  
probare possumus : tum, quia lumī-  
naria sunt causæ vniuersales Come-  
tarum omnium ex Astrologis, vt in-  
fra patebit, nō igitur particularium  
causas



causas esse dignatur: tum quia, apud Astrologorū principem Ptholomæum, caput, & cauda Draconis nullius sunt virtutis, sunt enim sectiones tantum pro Lunæ motibus adinuentæ: tum quia sibi non constant, dum scribunt, a Marte, & Mercurio tantum fieri Cometas, quoniam volociter mouetur, & igneum quippiam præferunt: tum quia omnia, quæ in mundo extant, nouenario essent præfinita numero; nam eodē modo, quo a Planetis fiunt Cometæ, etiam alia, quæ in Mundo sunt, fierent. Quibus addo, quòd sine methodo, & non ex generis diuisione specierum differentias tradiderūt, & quòd non particularia generalibus, sed generalia particularibus, quibusdā visis Cometarū speciebus, subiungere voluerint; immo si in his tantum locis fierent, in Leone, & Scorpione non apparerent Cometæ; immo neq; in Geminis, aut Sagittario, quādoquidem inibi nullus exal-

tatur Planeta; cuius contrarium, Historiæ comprobant; & nos vidimus ardentem in 16. Sagittarij gradu Cometam anno 1605.


Philosophi verò neq; inter se conveniunt, nam Arist. (vt quibusdam placet) duas tantum posuit a figura simplici Cometarum species; priorem Crinitum circumquaq; & oblongum Cometam; alterū, qui *Παγωνίας*, & Barbatus dicitur: & quamvis hac in re Philosophus reprehendi nō possit; tamen sicuti a figura, ita a colore, & a cet. erāt assignandæ differentiæ, & species, quæ cum desiderentur ab eo, & mancus, & diminutus videtur. Quam rationem nec ij euacuant, qui tres species Arist. posuisse, cōtendūt, *Κομήτην*, *Παγωνίαν*, *Οδόν*; seu Crinitā, Barbatam, Viam, seu Saltū, vt Latini trāstulerunt. Qui post eum floruerunt, quinq; posuere pro elementorum numero; inquit enim, hæc esse elementa, Cœlum, Ignē, Aërem, Aquā, Terram; igitur quinq; Cometę. Bone  
Deus

Deus , quæ consequētia? Sic.n. argumētādo, omnia essent quinq; Præterea cur Cœlum inter elemēta? Quid Aqua cum Cometis? Cū igitur harū opinionū nulla sit a nobis recipienda, quid sentiendum, aperiemus. Arbitror igitur, Cometarū formas, differentias, & species accidentarias esse desumēdas eo modo, quo supra explicatū est. Verū quamuis variæ Cometarū species fieri possint, suis nominibus non designatæ; sentimus tamē cū Thurrecensi Phisico eruditissimo tract. de Cometis 1. & 7. cā. duo esse Cometarū genera obseruata; quorū vnū circūquaq; comas habet, quatuorq; sub sese cōprehendit species, notas hucusq; Sunt autem Rosa, Veru, Pertica, Tenaculum, & hi propriè *Κομῆται* vocantur. Alterum verò radios in longum protensos possidet, cuius sunt quinq; species, Cornu, Nubes, Argentum, Aurora, vel Matutinus, Niger, qui propriè *Περὶοίαι* dicuntur:

ab Haly verò priores quatuor Capillorum Domini: Posteriores quinque; Terræ Domini vocantur. At cum inter locum ex vna, & materiam, & formam ex altera multus sit consensus, ex Aristotele in Physicis, de Cometarum loco dicamus.

*De Cometarum loco.*

## Cap. VII.



COMETARVM locus, non Cœlestis, vt multi cum Cardano existimarunt, quemadmodum ijs argumentis a nobis demonstratum est, quibus supra probauimus, eorum materiam haud esse Aetheream. Elementaris igitur, non in terræ, & aquæ regione, vt luce clarius patet; Neque in aëris prima ascendendo (est enim semper inconstans, varijs, atque contrarijs alt-

alterationibus subiacens ) Neq; in  
 média ob summā eius frigiditatem;  
 nam per Solem super terram expel-  
 litur frigiditas vi reflexionis radio-  
 rum, refugit ad mediam, cum illuc  
 reflexio radij non perueniat, ibi re-  
 manet, nec sursum ad aliam regio-  
 nem ascendit, quoniam est calidior,  
 cum sit igni, stellisq; propinquior,  
 & contrarium aufugiat. Neq; in ea  
 ignis; quamuis cōtrarium Viri, alio-  
 quin grauissimi inter recentiores, si-  
 bi persuaferint: nam ob ignem ma-  
 teria non ascendit, cum sit eo cras-  
 sior, vel si ascenderet, adeo rara ab  
 igne fieret, vt Crinitæ generādæ nō  
 esset apta; vel si generaretur, non  
 diu consisteret (celerrimo enim illo  
 in orbem motu cito dissolueretur, &  
 esset, veluti transuolantia sidera, quę  
 citissimè transeunt) Igitur in supre-  
 ma aëris regione (quam natura  
 substantiæ tenuitate exalationibus  
 simillimum fecit locum, ac recepta-  
 culum) in duas diuisa partes. Prior  
 ab

## 62. Cometologia

ab altissimorum montium cacuminibus ad mediam. Quæ ad concavâ ignis ei perfimilis in qualitatibus secunda; Et in vtraq; fiunt Crinita sidera. In prima a densiori, & grauiori materia tardioris motus, quâdoq; immobilia. In altera a leuiori, & rariori subiecto celerioris orbiculationis, & motus. Quòd si rationē etiam quæras, quare pars superior aëris velocius, inferior autē tardius moueatur; ea mihi in promptu est. Superior illa regio rarior, ideoq; mobilior, & propterea Cœli motū sequitur. Inferior autē densior, ideoq; tardior. Hinc fit, vt relinquatur, & a Cœli celeritate recedat. At dices; cōtinuorum idem est motus; ignis aëri, cuius vna pars alteri continuatur, idem igitur motus. In solidis id intelligendum scias, quorum vnus propriè motus est; aqua, aër, flāma, exalatio, & consimilia, non huiusmodi, sed fluxa sunt. Dignosces etiā loca, eo modo: nam in superiori Comata

mata Stella ob nimiam distantiam videtur alicui astro coniuncta, nec facile est homini, linceos oculos non habenti secernere, & distinguere lumen astri ab eo Cometæ, neq; distantiam: id verò non contingit, si ea in parte Cometa, quæ a montium eorū summitatibus sphæram ignis nō contangit, sed in medio quasi eius regionis sinu definit, quiescit. Ceterum potius extra, quam intra Tropicos, Cometæ cernuntur; etenim quamvis a Sole intra Tropicos peragrans non modica eleuetur exaltatio, tamen calore nimio sæpius resolvitur, adeo ut Crinitarum generationi materia deficiat. Hæc de loco, quæ licet verissima, non carent tamen reprehensoribus, quibusmodò satisfaciendum.



*Responsiones ad obieſta de loco .*

Cap. VIII.



**O**BIICIUNT, Pri-  
mo Cardanus, &  
alij, quòd Cometa  
non fiat in Elemen-  
tari regione; nam ha-  
beret, ſi in ea fieret,  
maiores, quam Luna, diuerſita-  
tem (fertur enim motu Veneris pro-  
pemodum ) Secundo. Eſt etiam ea  
regio ſèper inconstans, ubi & ascen-  
deret ob ignem, & descenderet pro-  
pter vapores, ſi ignis eſſet ex vapo-  
ribus accenſus. Quod argumentum  
facit etiam contra Crinitarum ma-  
teriã. Tertio. Nec triplici motu mo-  
ueretur, in Occaſum, in Ortum, in  
latera. Quarto, & Quinto. Tam  
etiam ingens machina adeo celeri-  
ter conuerſa, quin diſſiparetur, fie-  
ri non poſſet. Et tanto incendio

vni-



vniuersa terra neq; sufficeret pro  
 pabulo . Sexto . Neq; viderentur  
 a nobis ij , qui sub Aequinoctiali  
 in ea versantur regione , Cometæ ;  
 quorum & aliqui quãdoq; immobi-  
 les , & alij ante occasum occide-  
 rent, id quod hucusq; non visum est.  
 Octauo. Deliquia etiam paterentur  
 Crinitæ Stellæ , Luna frequentius ,  
 cum ipsius terræ vmbra magis  
 ingrediantur ob minorem a no-  
 bis recessum , si in regione elemen-  
 tari . Tandem . Terrarum orbi in-  
 cendia minitarentur . Quæ qui-  
 dem argumenta ijs similia sunt , de  
 quibus dicere solebat D. Augusti-  
 nus, quod fulgent subtilitate, & va-  
 nitate franguntur . Nam quod obji-  
 citur, Cometem Luna minorem ha-  
 bere diuersitatem, negari potest; cū  
 visa Crinita Stella 1578, varietates  
 quasdam habuerit cum Luna com-  
 munes ; immo ipsemet Cardanus  
 affirmat, maximum eos , ac citissi-  
 mum habere incrementum , cum in  
 prin-

principio vnus pedis non excedant magnitudinem, paucis post diebus ad gradus vsq; 45. augeantur: neq; eadem ratio de Cometis, & Luna; Nam hæc cum varijs modis a Sole illustretur ( ex se enim vel nullum, vel debile lumen habet ) varijs etiam subiicitur varietatum generibus; quibus non illi subiacent, cum neq; a Sole illuminentur, neq; cum Sole, & Luna communicent in materia. Mitto, quod minorem habeant, quàm Luna, diuersitatē, vt quibusdā placet; propterea quod siderū auctorum subsequuntur naturam, & motum. Atq; ita satis, superq; priori argumento me satisfecisse, puto, quod iuniores a Cardano mutuo se accepisse, putāt; cum tamen actione prima lib. de subt. resp. 79. profiteatur Cardanus, se nullibi affirmasse, minorem esse diuersitatem Cometæ, quam Lunæ. Quod obijciunt de regionis inconstantia, nihil probat, nam falsum supponitur; superiorem.

perio rem enim aëris regionem tranquillam semper ab imbribus, a ventis, & ab alijs quietam posuere, qui recte sentiunt. De motu fursum, atq; deorsum teneret argumentum, si ex vaporibus Cometa ( vt quidam volunt ) quem tamen constat, ab exalationibus genitum, . Subtilius tamen responderi posse, puto, vel Cometam a Sole sustineri, tamquam eius parentem, eodem modo, quo nubes suspenduntur; nam eadem potestate quidpiam attrahi, & retineri dicimus, cum attractionis finis sit ipsa retentio: vel fursum non ascendere, cum eius materia sit leuior ignis elementaris, non descendere ab aëris impuris secunda, & prima propè nos regionibus, superatum relatiua grauitate, si ita loqui liceat. Si qui verò fuerint istiusmodi motibus agitati Cometæ, infra declarabitur, proprio de eorū motu Capite; vbi & aliud de motu

eorundem trino, & præsertim transuerso, ponderabitur argumentum. Motus verò celeritatem, ad dissipandum adeo facilem non admittimus: nam velocissimi illi in gyrum motus superiorum orbium nobis sunt veluti vita quædam; & lucernæ liquor eodem agitatæ motu, non decidit, cum tamē suapte natura decideret; ad fouendum itaq; potius, quam dissipandum motus celeritas dicata. Ratio, quæ sequitur de Cometarum pabulo, facile soluitur; noua enim in locum deperditæ succedente exalatione fouetur incensio: quod si arte, æterna luminaria modico pabulo, & lampades perpetuò incensæ, vt scribitur, Cur & non eadem natura, cum artem superet? De vi attractrice, & mandante, & modo infra, vbi de Efficiente. Postremo argumento proxima teneant, si a vapore Cometas, ab exalatione nequaquam; quamuis quosdam visos immobiles, Seneca, & Plinius

Plinius scribant. Cometarum Eclipses confitemur ea ratione moti, non obseruatas, negamus. At de-  
mus hoc, non repugnat; nam rarò  
fiunt, rarissimè vmbram terræ in-  
grediuntur. Postremo tantum in-  
cendium perniciem vniuerso mini-  
tari non veremur, cui enim adhæ-  
reat, haud habet; aëris humiditas,  
& raritas, natura vniuersi id pro-  
hibet: calorem quandoq; tamen in-  
tollerabilem accēdunt Crinitæ Stel-  
læ, & aérē mundum propterea red-  
dunt a varijs inquinamentis, atq;  
ita vltima ratio extincta planè est.  
Hactenus de loco. Mox de efficiente.



**D**Ixeram, effectricē causam esse vim igneā. At, quæ nam sit ista uis, vidēdū modò, tū proxima, tum remota. Proxima igitur est duplex in specie, motus videlicet tū exalationis, tū superioris aëris in gyrū celerrimus, qui attritu suo nō solum aridos illos halitus Cometarum materiam incendere, verūm & ligna, lapides, ferrum suapte natura ignire aptissimus est: & ignis particula, ab elemēto suo in summā sibi cōtinuā aëris regionē delapsa, vel ab vniuersi natura demandata, quæ nec adeo minima, vt ab exalationis copia extinguatur, vt lucernæ lumē ab olei multitudine; nec adeo copiosa, vt citò resoluat, dissipet, cōburat materiam; sed mediocris, proportionem  
ta-

tamē maioris cuiusdam inæqualitatis habens. Huc faciunt elegantes illi Pótani versus in suis Metheorologicis, cap. de Stellis cadentibus, quos describere graue non erit

*Ast ubi summosq; locos, atq; aëra summū*

*Halitus inuasit, qua circumuoluitur orbi :*

*Hic rapido impulsus cursu, vertigine et ipsa*

*Incensus, varia splendet per inane figura :*

*Arida concipiunt ignem, feruetq; agitando*

*Spiritus; incendit pugnātia corpora motus.*

Remota verò , quæ halitū suppeditat, eleuat nō solū astra, & Sol præsertim , qui maiori inter alia energia materiā euocat, verū multo magis ignis in terræ visceribus conclusus , qui eodē ferē modo subterranea mouet, alterat, coquit, extenuat, mutat, & in fumigeram exalationē vertit, quo calor animalium in visceribus latens intus facit. Vnde eleganter Marcus Manilius lib. 1. Astron. cap. 14. cecinit prope finem,

*Sunt autē cunclis permixti partibus ignes,  
Qui grauidas habitant fabricātes fulmi-  
na nubes,*

*Et penetrāt terras, Aethnāq; imitāi Olympo,  
Et calidas reddunt ipsis in fontibus undas,  
Ac silice in dura, viridiq; incortice sedem,  
Inueniunt, cum silua sibi collisa crematur,  
Ignibus usq; adeo Natura est ōnis abūdās.*

Has verò causas non sat esse, existi-  
mauit Epigenes, sed ventum addi-  
dit: aberrauit tamen toto Cœlo; nā  
sine vento numquam orirentur Co-  
mete, cum eò caderent, & creíce-  
rent, eòq; essent ardentiores, quo  
ille incitator, & in sublimem illum  
Cometarum locum perueniret: quæ  
tamen omnia falsa esse, si quis ne-  
get, elleboro potius est purgandus,  
quàm docendus. Astrologi verò  
alias confinxerunt; nam (inquiunt)  
existente Sole, semper super terram  
exalationem euocante, & calore  
subter-



subterraneo mandante, itidem quotidie motu accendente; quare non semper Cometæ varij, vel saltem vnus, qui nunquam deficiat? At argumentum prius, quod est potissimum eorum in nos fundamentum, diruamus; postea placita ponderabimus. Respondemus igitur, non tantam eleuatæ exalationis copiam coaceruari, quanta sufficeret æterno Cometæ, vel pluribus, & frequentioribus; quoniam bona eius pars in ventos, tonitrua, & transuolantia sidera vertitur; luminum etiam, & motus Solis varietas, calorisq; subterranei, actionum varij modi aliter, & aliter eleuant, attrahunt, alterant, disponunt, calefaciunt, incendunt, viq; diuersa regunt, atq; gubernât fumigeræ aspirationis œconomiam. Solis etiam, & siderum calor, & motus, non solum exalationem secernit; sed id etiam, quod concretum est, qualis materia esse solet Crinitis generâdis

accomodata, dissipat adeo, vt Cometarum procreationi materia raro remaneat. Mitto verò, quod exalationis magna copia in locum lactei circuli ad eius generationem cogatur (vt Aristoteles sentit) nam eius sententiam hac in re valde dubiam, & parum firmam putant etiam ipsiusmet Interpretes. Astrologorum modò sententias varias perpendamus. Albumasar, cui Arabum schola tota subscribit, octauo de Coniunctionibus magnis, & Haly parte octaua de reuolutionibus annorum, Cometarum originem Marti adscripserunt, non quidem absolute, sed quoties ijs præest annis, quibus Planetarum trium superiorum coniunctiones contingunt; vel hæ coniunctiones nisi fiant, fieri tamen Cometæ poterunt, quando & Mars æthereæ, vel terreæ signa irradiabit, & Luna aëreo erit lacefsita signo, præsertim vbi Iouis signo præsit. Alibi verò, nimirum de floribus lib. Martem,

tem ponit Cometarum auctorem , Saturno coniunctum , vel opposito vultu eum respicientem , præsertim verò si cum cauda per signum vnum decurrat Saturnium fidus, vel hostiles emittat irradiationes . Hos certè canones, nulla ratione probatos , obseruatione Arabum roboratos , reijcere facilè erit : nam præter ea , quæ supra in Astrologos dicta sunt cap.3. Anno a Natali Iesu 1564. eadem constellatio contigit, quã octauo coniunctionum ille descripsit : altera in libro de floribus enarrata euenit 1565. quibus tamen annis Cometam nullum apparuisse, ab historiæ Scriptoribus , & Cælorum vigilantissimis exploratoribus memoriæ proditum est . Alij verò Crinitarum ortus in genere luminarium deliquijs dicant , in specie autē Marti, & Mercurio , retorridæ ( vt aiunt ) naturæ Planetis , quando eis in Eclyptico themate significationū tribuitur auctoritas , cuius senten-

tiæ secundo de Astrorum iudicijs 54.  
 Ptholomæum quidam fuisse putant,  
 quod negant alij: ibi enim de Come-  
 tarum tantum effectibus eum fuisse  
 loquutum, contendunt, de genera-  
 tione nullibi. Quicquid tamen sit, no-  
 stra parum interest: scire sat est, cō-  
 munem, eamq; antiquam esse Astro-  
 logorum sententiam, cui & Ponta-  
 nus his versiculis suffragatur in suis  
 Metheorol. cap. de Cometis

*Tu verò, quod decernit Mauortius ignis*

*Infelix Cæli fidus, quod nuncius Arcas*

*Hoc dirū in primis statuas signare Cometē.*

Verum illis, ita dictitantibus, cre-  
 dere neq; cogimur, neque ratio-  
 ne vlla constringimur; nam Stellæ  
 omnes sunt causæ vniuersales rerum  
 omnium, & remotissimæ, proximi-  
 mis verò, & peculiaribus istius-  
 modi, alijsq; facultatibus prædi-  
 tas eas negamus; ad habendam  
 verò veram alicuius rei scientiam  
 pro-

proximæ, & immediatæ sunt assignandæ causæ : neq; ad futilem eorum confugiant obseruationem. Nam ( vt alia præteream, quæ hic adduci possent, exempla ) Anno 1604. Eclipsim nullam passæ sunt luminaria, attamen per multos dies exarsit Cometa Autumnalis; defectus quoq; Lunæ luminis, & Solis labores malim potius, vaporum parentes, quam fumigeræ exalationis genitores dicere cum Astrologis, qui ( duce Auer. ) lucem omnem posuere calidam : quapropter vis, & energia luminarium labefactata, alituosæ matris penetralia adire non poterit; neq; Crinitis materiam, sed imbribus potius vaporigeram suppeditabit. Si confugiant cum Mizzaldo ad Lunam fauciatam, maleque saltem affectam, non iacula effugiunt; eam enim amplè frigidorum, & humidorum familiæ dominatricem, non calidæ, siccæq; exalationi, quæ,

potestate flamma præsidem, cœlestia tractantes, decreuerunt. Addas, cum specialis, & præcipua causa sit, vnde effectus emanat, & Astrologis solus Mars, & Mercurius sint effectrices Cometarum causæ, hi ijs duo tantum erunt. Quemadmodum enim, ab vno vnum, ita a duobus duo pendere, verisimile est: Vnde ergo tam variæ, quas ponunt, Crinitarum species? At de efficiente satis. Ad Cometarum motum gradum faciamus, tum quia efficiens est principium, vnde motus; tum quia animæ expertia a generante moueri, octauo Phys. voluit Arist.



*De Elementari Cometarum motu.*

Cap. X.



INTER ea omnia, quæ de Cometis scribi solent, nulla sanè difficilior quæstio, quã quæ de motu: Nos tamen pro viribus rē claram facere conabimur. Ex ijs, quæ a Doctissimis, hac in re observata, reperiuntur, non triplicem tantum esse Cometarum motum, ut Mizzaldus, Cardanus, & ante eos quamplurimi existimarunt, sed plures deputamus. Priorē ab Oriente in Occidentē, qualis est motus ardētis huius Cometæ Mēse Octobris præsentis anni 1607. Contra alterū ab Occidente in Oriētē. Tertium diuersum, veluti ab Occidēte in Meridiem, aut a Septentrione in Occidentem, vel ab Occidente in Septentrionem. Quar-

tum sursum, deorsum. Quintum fatis incertum, inconstantem; sursum, deorsum; ad latera, antrorsum, & cet. Alios quoque immobiles a Seneca, & Plinio visos, legimus, quorum omnium physicam rationem quisque accipiat. Prioris causam esse superioris Cœli rapidam vertiginem, quæ horis quatuor & viginti citissima secum trahit non solum medias, ad ultimam usque, sphaeras; verum etiam ignem, & aëris partem supremam, qua mota, ibidem Crinitas pendulas citissime conuerti, non sit, qui ambigat: quæ quidem ab Oriente per Meridiem in Occasum Cometarum circumuolutionem, ex illorum propria natura esse, negamus; si quidem flamma, alioquin errabunda in aëre vago, & fluctuante, certam, & orbicularem agitationis formam ex se instituere, nisi ab alio iuuetur, certe nequit; quæ quo melius intelligantur, sciant, æqua celeritate


Cœlum,



Cœlum , ignem , & superioris aëris regionem primam cieri magnitudinis proportionem , quod perinde est , ac si diceremus , ad idem punctum , vnde abierunt , æquali tempore regredi . At quoniam in inferioris regionis parte , quæ tardioris est motus , a grauiori materia & fiunt quoque , & ob remotiorem a Cœlo Cometæ derelinquuntur a firmamenti motu celerrimo , adeo vt ab Occidente penes signorum successiōem in Orientem moueri videantur ; quamuis re uera non sit ita , atq; adeo falsa , visu facta , obseruatio sæpe nos decipit ; quo modo quiescentibus in nauī , & littora inuentibus , non flumen , aut quæ in eo est , nauis , sed ipsa moueri littora videntur ; licet non littora , sed nauis , & flumen moueantur : ita etiā quāuis moueri Cometa videatur in Orientē versus ; tamen rapidissimè in Occidentē cū ferātur a firmamēto Stellæ , & post se derelinquant ea , quibus

multa interualli magnitudine distāt,  
Cometas in cōtrariam partem abi-  
re, putamus. In altera verò moti,  
conuersiq; Cometæ visi certè, vt de  
ijs scribitur, qui Claudij, ac Nero-  
nis temporibus exarserunt, nō quod  
re vera ita mouerentur, sed (vt ab  
Arist. de discurrentibus astris dictum  
est) fumigera exalatio, ad flammam  
concipiendam parata, ea erat in  
parte, ad quam iter tendere vide-  
bantur, eaq; priori, ob raritatem  
forsan, & pabuli defectionem ex-  
tincta, subinde accendebatur, & Cri-  
nitæ, se ita mouentis speciem fin-  
gebat. Inuitante ergo materia, &  
alimento, nō itinere, ad latera quan-  
doq; deflexerunt Cometæ: et ob  
eandem rationem non astris, simpa-  
thia alligatis, sursum, deorsum, in  
varias mundi partes, incerto admo-  
dum, irregulariq; motu, iter quan-  
doq; fecere, non verò a ventis in  
summo aëre huc, illucq; debellan-  
tibus, impulsī, vt ineptè sunt qui-  
dam

dam arbitrati, qui prima Metheo-  
 rologicæ philosophiæ principia non  
 dum degustasse, mihi videntur. Im-  
 mobiles verò a Seneca, & Plinio  
 observatos, non simpliciter conce-  
 derem, sed eos ad motum tardissi-  
 mos ita videri, putarem, quorum tar-  
 ditas cum a graui, densaq; materia,  
 ex qua constant, ad motum inepta,  
 tum ex aëris humiliori loco, in quo  
 fiunt, motus tarditate natale trahe-  
 bant. Cum igitur hæ, quæ nuper a  
 nobis in medium allatæ sunt causæ,  
 satis, superq; sint ad Cometarum va-  
 rium motum efficiendum, & saluan-  
 dum; nulla nos cogit necessitas, vt  
 a veris Physicæ penetralibus rece-  
 dentes, quid sit Crinitarum mo-  
 tus super elementarem naturam, af-  
 firmemus.



*De altero ab Elementari  
Cometarum motu.*

## Cap. XI.



ETERVM quoniam Aristoteles non negauit, aliquādo ad motum Stellæ errantis, vel fixæ, veluti sympathia quadam, col-

ligatum moueri Cometem ( cui tamen alligatur rarò ) propterea neq; nos id negamus in præsentia : sideribus ergo vinculo quodam detentos Cometas hinc dignosces, quando cum ijsdem mouentur, oriuntur, occidunt, circumaguntur; vnde tantæ celeritatis erunt, quantæ auctor fidus, cuius naturam, & motum subsequuntur. Transuersi etiam, varijq; motus ratio eadem est cum attractionis ratione in ijs Cometis, qui

qui quandoq; a sideribus materia, sursum ab ima regione nostra attracta, compacta, librata, formata, sunt orti: Etenim ex difformi materia conflata Crinita, a validiore sidere sublata, vbi pars affinis illius substantiæ absumpta est, ab alio trahitur, cuius viribus obnoxia est ea mixti pars, quæ relicta fuerit; atq; ita rationem habeas motus quorundã Cometarũ, qui miri aliquibus sunt visi; neq; orbẽ sub Luna ponere cogimur, pro eo motu Cometarum in latus saluãdo, vt Hieronymus Fracastorius, vir alioquin eruditissimus, fuisse opus, existimauit: neq; in ijs ad rationes paubuli confugimus, & rationes supra cap. 8. allatæ, facillè soluuntur, in Elementariam Cometarum naturã, per ea, quæ modò diximus. Exemplũ vnicũ recẽsere lubet, desumptũ ex Iacobi Ziglieri monumẽtis, qui ea a Ioãnis Regiomontani obseruationibus desumpsit: series autem verborum, & obseruatio Regiomontani talis est

Idibus

## 86 Cometologia

Idibus Ianuarij, Anno Domini millesimo quadricentesimo supra quingentesimum, & septuagesimum, Visus est nobis Cometa sub Libra, cum Stellis Virginis, cuius caput tardi erat motus, donec propinquum esset Spicæ: nunc incedebat per crura Bootis versus eius sinistram, a qua discedendo, die vno naturali portionem circuli magni 40. graduum descripsit; vbi cum esset in medio Cancrî, maximè distabat ab orbe signorum sexaginta septem gradibus, & tunc inter duos polos Zodiaci, & Aequinoctialis ibat usque ad intermedia pedum Cephæi; inde per pectus Cassiopeie super Andromedæ ventrem. Post gradientem per longitudinem Piscis septentrionalis, vbi valde remittebatur motus eius, propinquabat Zodiaco, transiens ipsum iuxta medium Arietis, donec cum Stellis Ceti occasus heliacus illum nobis occultauit intimis diebus Februarij. Hoc motu suo proprio circuli magni portionem

nem

nem descripsit, quo in Septentrionē,  
& cum hoc contra signorum succeſ-  
ſionem ferebatur a Libra in Arietē:  
in fine, & principio tardē moueba-  
tur, in medio verò apparitionis ve-  
lociſſimē. Vno die ferē per quatuor  
ſigna a fine Virginis in pricipium  
uſq; Geminorum. Cauda verò eius  
minus mobilis, continuē reſpicien-  
do Stellas Geminorum, eas circui-  
bat, nunquam ab eis per tōtum ap-  
paritionis tempus deuians. Ideoq;  
in prima emeſſione ad Occidentem  
illam protēdebat; quoniā illic Stel-  
læ Geminorum putabantur. In fine  
verò, Cometa ſub Ariete locato,  
propter Solis vicinitatem non niſi in  
Occidente apparuit; Cauda Orien-  
tem verſus protenſa, quia in hoc ſi-  
tu Stellæ Geminorum ponebantur.  
In medio verò apparitionis Cauda  
vertebat ad meridiem: illic tunc  
erāt Stellæ Geminorū, cōtingebatq;  
tūc nocte eadem, vt ſtatim poſt Solis  
occaſum cauda Orientem reſpice-  
ret.

ret. Appropinquante medio noctis respexit Meridiem; post medium verò noctis Occidentem. Ante Solis exortum indicabat locum Septentrio-  
nis. Hæc Caudæ diuersitas in situ ex motu diurno oriebatur, qui semper est ex consequentia primi mobilis ab Oriente in Occidentem. Motu autem proprio extremitas Caudæ quāvis tardiùs, quàm Caput Cometæ; semper tamen etiam ad Occidentem contra signorum successionem describens parallelum a principio Libræ, vsq; ad medium Tauri mouebatur; Vadens sub pedibus Vlutantis per Vrsam maiorem, propinquādo Perseo, per quem circa Pleiades ad Caudam Arietis ibat ferè in medio Tauri. Vnde patet, tam Caput, quàm Caudam Cometæ versus Occidentem, & nunquam versus Orientem iuisse non solum motu diurno, sed etiam proprio. Hactenus Regiomontanus. Huius quoq; Cometæ historiam dum scribit Antonius Miz-



Mizzaldus Monslucianus, non sibi cōstat, modò ad Annum 1475. suæ Cometographiæ cap. vlt. lib. 1. modò ad 1472. in Cometarū cathalogo eiusdem Cometæ visionem transferens. Ceterum ex centenīs Cometis vix vnum tam prodigiosi motus reperies; culpam non in rerum Cœlestium obseruatores reijcias cum Mizzaldo, quasi oscitanter ignoratione, & negligentia ducti, hæc obseruaerint, & pertractauerint, sed in longa post temporis interualla rarum, euentum. Qui enim in alios inae-huntur, vt aliquid esse videantur, caueant, ne eorum Manes illud Horatianum iustè obijciant

*Tu cū sis, quod ego, & fortassis nequior ultro  
Insectere, velut melior, verbisq; decoris  
Obuoluas vitium: Quid si me stultior, ipse  
Quingentis empto drachmis deprenderis?*

In quo vno manum postremam huic capiti admoueo, & ad Cometarum finem me confero.

*De Cometarum fine.*

## Cap. XII.

**S**VNT, qui putant, Cometas casu, vel materiæ necessitate, tantum genitos, omni carere fine, quorum vanitas indeprehenditur, quod ab agente, & effectrice causa factos, satis fuerit a nobis demonstratū ca. 9. Omne verò agēs ob finem intentum agere, si quis est, qui neget, ab agente certè verberandus. Rerum etiam species, e quarum numero est vna Crinita, a casu, & materiæ necessitate nec generari, nec fieri possūt; nec Peripatetici admittunt. Reclamabit fortasse garrulus, speciei naturam in suis servari individuis, quibus corruptis, eius quicquam non remanet; rarò autem Cometæ fiunt, citiusq̃, deficiunt.

Pro.

Profectò ita est; sed noscat is, eorum tunc naturam vigere, & tanquam domi habitare in suis physis, causis, veluti rosa hyeme. Nos igitur, alia via incedentes, dicamus, Cometæ finem esse conseruationem speciei ignis, quæ fit per educationem è gremio exalationis subiectæ eius formæ, a qua quidem forma, materia combusta, resoluta, terra munda, indiuidua multarum specierum facilius seruantur, veluti rupto, & expurgato apostemate, vitam magis incolumen animalia viuunt; atq; ita perbelle prioribus verbis generationis Cometæ, posterioribus iam facti finem comprehendimus: ac tacitè etiam vniuersi decus, & hominum salutem indicamus, quæ ad eorum quoquo modo finem posse reduci, haud negamus: quibus non contenti Astrologi, addunt, quod sint calamitatum nostrarum prænuncia variosq; eis adscribunt effectus; quæ an vera, pensitanda diligenter; atq;

ita de Cometarū effectibus, sineq; eorū remotiori certū sermonē habebimus.

*Vtrum Cometae bellorum, rixarum, tumultuum, & consimilium rerum physica causæ sint portentosa.*

### Cap. XIII.

**E**X eorū numero, qui docti videri volūt, sūt, q. Crinitas faciūt physicas eo modo & bellorum, & rixarum causas: nam, inquiunt cū Galeno, Animorum motus corporis sequuntur temperaturam, & contra; vnde eorum motus tales esse cōsueverunt, quales humores in humanis corporibus luxuriantes, qui, vti corpus perturbant; ita exagitāt animos: Cometas verò aëris caliditatem, & siccitatem efficere cū Aristotele non est, qui neget; eum autem, velimus, nolimus, cōtinuè inspiramus per poros,

os, veluti per quosdam naturæ ductus, intus attrahimus, eiq; permixtæ, calidæ, siccæq; exalationi, quæ sursum pro fouendis Cometarum incensibus affatim ascendit, transitus deegari non potest; vnde æstuantis naturæ vestigia in humorum cœconomiâ imprimuntur, qui calefacti, cocti, in bilem conuersi, ad similem intemperiem alterant corpora, agitant spiritus, incitant animos, que adeo ad violentos impetus, decores, & effrenes rixas, cædes pinas, ciuiles tumultus, bella, & aliis farinæ pessima seminaria homines promouentur, quod & Lucas his carminibus cecinit

*Ignota obscuræ viderunt sidera noctes.*

*Ardentemq; polum flammis, Cæloq; volentes  
obliquas per inane faces, crinemq; timend;  
videris, & terris minitantem bella Cometæ,*

ita esse, innumeris historiarum cōstant exemplis, quæ Niphus ad  
fatie-

## 94 Cometologia

fatietatem, Mizzaldus ad nauseam refert. Verum ut vera fatear, qui ita scribunt, verbosiores potius mihi videntur, quam vera docere; quibus enim machinis efficiat ardens iste halitus, ut armis concurrant homines ad mutuam cædem, non dum vidi, nec aliquid verisimile fingi potest. In principibus enim ob aëris calidam, siccamq; constitutionem tantam coaceruari bilem, ut bellica meditentur, classicumq; ob id canere iubeant, & furor arma ministret, est facile dictu, credibile nequaquam; quippe quia inter mortales facilius sibi Principes, & Magnates ab æstu præcauent, quam alij. Præterea in otio vitam traducentes, plus crudorum, quam biliosorum humorum copiam sibi coaceruant. Bella quoq; non sunt a natura, sed a consilio; necessarium verò non est, eos, qui a consilijs sunt Regibus, & Principibus, omnes eadem temperatura præditos esse. Præterquam-

quod.

quod non minus plebei inter se, quam Principes depugnarent; nec qui irascitur; mox etiam, abruptis prudentiæ frænis, bello, rixa, & contumelijs aggredi alios solet: Neq; imaginabile est, quomodo halitus, per terram fusus, Principum mentes ad bella per se valeat incitare. nam hæc absq; longa deliberatione, & exacta omnium circumstantiarum consideratione, consultationeque nunquam, aut rarò suscipiuntur. Quàm porro felices, ditesq; nos Medici essemus, si a bile dumtaxat, in Principibus, alijsq; hominibus coaceruata, bella, cædes, & istiusmodi tartarearum furiarum semina orirentur? pauculo enim Rhabarbaro, aut osaceo solvente syrupo, tantam iniuersi perniciem & extinguere, & debellaremus, nam

*Usile propositū est extinguere semina belli.*

non igitur hæc mala inde oriuntur,  
quod

quod corpora nostra nimis excalefacta, siccataque sint. At ex eo quia iniuriæ, invidia, odium, ambitio, dominandi libido, auri sacra fames, huiusmodiq; illecebræ cupiditatum plurimæ animos defatigarunt, semper anxiarunt, cruciabunt imposte- rum; cum ad malum, quàm ad bonum, simus procliuiiores. Idque facile confirmari potest: nam Ecclesiastes cap. 15. dicit. Deus Optimus Maximus reliquit hominem, & posuit eum in manu consilij sui. Non igitur bella, legum mutationes, & alia, quæ fiunt a consilio, expectanda a Cometis. Lucanum verò, aliosq; Poëtas a male sanis Astrologis, vel a populari iudicio persuasos, ita cecinisse, credo, atque ita non pluseis, quam illis fidei adscribendum, censeo; nam diuinus Plato aiebat (& scite quidem) Sapienti viro suspectum esse debet, quicquid Vulgo vehementer arridere videbit. Observationes verò si admittamus, hanc certissimam,



firmam regulam hic , & pro ijs, quæ  
impoſterum dicenda ſunt , tenea-  
mus . Non quicquid poſt aliud ſe-  
quitur , ab eo , quod præceſſit , ef-  
ficitur : niſi enim ita eſſet, quicquid  
poſt nouiluniũ, exẽpli gratia , homi-  
nes agunt, nouum Lunæ lumen per-  
feciffet . Quod omnium , quæ fingi  
poſſunt , abſurdiſſimũ eſt. Id cum  
bene non intelligerent, qui ſe Astro-  
ſophos profitentur , primum inſci-  
tiæ pedem in lapidem impẽgere.



*Sint ne Cometa Regum, Summorumque  
virorum, ac fœminarum interi-  
tus, pestiferorumq; morborum,  
Annonæ inopiæ, et  
consimilium causa.*

### Cap. XIV.

**E** Adem, vel consimili  
ratione, a caliditate  
vel siccitate desum-  
pta, persuadere co-  
nati sunt Astrologi,  
Magnatum mortes a  
Cometis causari; nam, inquiunt, ab  
ea constitutione corpora exiccari,  
inflammari, omninoq; grauitè af-  
fici, est opus, præsertim verò quæ  
inter cetera sunt debiliora, & deli-  
catoria. Principes autem cibis odo-  
ratis, curis, vigilijs, otio, victus  
ratione praua, aëris iniurijs non  
perferendis confecti, citius lædun-  
tur, alijs. Vnde, biliosa in eis luxu-  
riante

riante materia, massaque humorum infla nimata, facile ægrotant, & pereunt; huc facit Aristotelici Poëtæ versiculus de Crinita.

*Principibus lethum tu seditiosa minaris.*

Contra vero probationes istas, quæ non habent in se omnes numeros veritatis, ea mihi iure pugnare videntur. A calida constitutione, siccaq; nō magis lædi Principes, summosque viros, alijs, constat, cum eorum plurimi, ne cunctos dicam, in otio vivant, gulæque sic indulgeant varijs obsoniorum generibus, ut frigidorum, crudorumque chimorum plus coaceruent, quàm calidorum, atq; siccorum humorum colligant; & propterea ab aëris calida, & sicca constitutione multo magis iuari, quàm lædi eorum corpora, oportet. Inter mortales etiam nulli sunt, qui facilius, quàm Primates

E 2 aëris

## 100 Cometologia

aëris intemperati iniurias euitare possint, astantibus assiduo Prophylacticis Medicis : Frigorum etiam, solariumque radiorum incommoda, vestitu, ædificijs, rebusque alijs superbiissime aufugiunt : Naturarum quoque hæc quidem ad æstatem, hæc verò ad hyemem benè, maleuè se habent, dicebat Hip: lib. 3. Aphor: 2. Naturam sumens pro temperatura non modo genuina, sed etiam ascititia, siue ratione ætatis, siue aëris, siue victus, siue cuiusuis alterius consuetudinis fuerit acquisita. Quod sanè dictum non minus Principibus, quàm plebeis, neque ineptè, accommodatur. Deniq; nō parum mihi parit admirationis, cur siccis temporibus potius Magnates, odoratis cibis cōfecti, quàm remiges, fabri ferrarij, messores a meridiana tritura sitibundi, allio, bulbis, cepis vesci consueti, moriantur ?

Has forsan rationes ex eorum familia non postremi nominis cœlesti-

um rerum Philosophi effugere conati sunt, scribendo, calidas, & siccas constitutiones insalubres, mortiferas esse, formidabilesque morbos, eosque pestiferos, parere, quorum radices æquè, lateque, & in Reges, & in populares homines diffunduntur, ac proinde æquè periclitantur. Verùm quoniam Summi viri interitus fama celebrior euadit, quàm cuiusuis plebei; ideo viso Cometæ potius Summorum virorum obitus, quàm infimorum adscribuntur. At ceciderunt in Scyllam, cupientes euitare Carybdim: nam pestiferi morbi non faciliè sumpsere primordia à Magnatum palatijs, sed inopes pauperum casulas, sordidaque loca plerumque primo inuadunt. Hoc si quis negaret, cum ratione clara, & quotidiana experientia pugnaret. Addas, quod ab inquinato aëre se faciliè custodire possunt Magnates, & re vera ita faciunt, dum aditum suspectis omnibus

negant, Bezoarticis, alijsq; opportunis remedijs se præmuniunt, ac fugam quoque sibi maturè confidunt. Neque verum est, siccas constitutiones, quas Crinitarum apparitiones prosequi non negant, morbosas, & pestiferas esse: nam Hippocrates eas cõparans cum humidioribus, salubriores vocat, adeo ut talis tempestas omnium ferè morborum expers, & saluberrima facillè dici possit. Quod si febres veneficæ in ea quandoq; contingant (ut aliquando Hippocrati placuit) admodum raræ sunt: nam hæ non nisi a superuulgari putredinis gradu fiunt, cuius impetum siccis refrangi, veluti contrarijs, tollique communis est Medicorum assensus, qui humiditatem agnouerunt putredinis matrem. Præterea quis tam vecors erit, qui non videat, ab igne Cometæ halitus absumi, aërem repurgari? quomodo verò non purior, quàm antea sit aër, post Cometæ extinctionem,

non

non dum agnoui, tanta halituum  
 copia liberatus? Vnde quò Crini-  
 tæ lucidiores, diuturniores, maio-  
 res, eo magis aëris inquinamenta  
 dissipabunt, quem purgabunt exa-  
 ctius. Deniq; nec in regionibus no-  
 stris, nec in alijs (quantum ex scri-  
 ptis aliorum habere potui) inten-  
 sa adeo siccitas, post Crinitam, sub-  
 sequuta est vnquam, vt pestifera, &  
 lethalis Magnis, infimisque fuerit  
 hominibus. Accedant tandem histo-  
 riarum testimonia: nã annos 1556.  
 & 1558. calidos, siccos, maximeq;  
 salubres fuisse, scribitur, in qui-  
 bus & duo exarserunt Cometæ.  
 Sed quid hic opus est verbis? ea  
 aëris constitutio adeo sicca, vt ma-  
 ioris non sit memoriæ apud homi-  
 nes, non solum per totam Vmbri-  
 am, verum per Italiam vniuersam,  
 cum a Mense Aprilis anni 1604. vsq;  
 ad Februarium anni 1605. non  
 quinquies fuerit aquis irrigata,  
 & madefacta terra, nonne longe

saluberrima fuit ob summam aë-  
 ris repurgationem? non inde pe-  
 tendas pestiferæ constitutionis, &  
 Magnatum interitus causas, demon-  
 stravit; sed aliunde, nimirum a va-  
 poribus, halitibusque per aërem,  
 diffusis, a quibus nisi spolietur, me-  
 dio Cometa, necessarium est, quod  
 vel parvus admodum fuerit, vel  
 breui admodum tempore durauerit,  
 extinctus forsan ob contrarij hali-  
 tus intempestiuam accessionem,  
 atque perinde lethales morbos in-  
 generari, qui certè maiores, nisi a  
 Cometæ flammæ præsidium aliquod  
 contigisset; quemadmodum enim  
 Hipocrates totâ Græciâ a peste igni-  
 bus arte curauit, ita prouidam Na-  
 turam, tamquam optimam medi-  
 catricem, aëris hisce ignibus, immi-  
 nentibus malis mederi, existiman-  
 dum puto. Quamquam de Princî-  
 pibus etiam scitè dicere possumus,  
 quod sibi magnopere timent, quo-  
 ties Crinitæ apparitionem, aut vi-  
 dent,



dent, aut audiunt; in vitæque discrimine tunc se putant esse constitutos: adeo inualuit vulgi opinio de portentosa in eos Cometæ apparitione, vt in quibusdam ex eis cõstans, quandoq; faciat, ex Poëta, apprehensio casum: namque spiritus tristis atterit ossa, cum nullus sit corporis affectus tantus (vt ait Galeus) quod vehementior animi affectionibus esse possit; vel permitte ita Domino: nam cap. vltimo Isaia ita legitur: Vnde & ego eligam illusiones eorum, & quæ timebant; adducam eis.

Annonæ verò penuriã, a Cometæ siccitate prodeuntem. (vt ille canit;

*Tu steriles agros, & inania vota coloni*

*Siccus, & efferuens, dire Cometa, facis)*

qui rectè sapiunt, ne admittant: etenim inde non tanta vnquam subsequuta humidi penuria, vt prorsus terra euaserit infœcunda, ceu ar-

# 106 Cometologia

bitratus est Aratus his carminibus

*At si contigerit plures ardere Cometas,*

*Inualidas segetes torrebit siccior aër,*

immo moderata siccitas ad frugum abundantiam summopere conducit: feminum namq; humidum magis compactum euadit, ac proinde efficacius germinat, vinificat, quemadmodum & in animalibus conspiciere facile erit, quorum femina humidiora, infœcunda, testantur Medici, docuit experientia quotidie. Scitè igitur cecinit Poëta, nō a siccitate, sed a pluuiæ sterelitatē pendere

*Infelix lolium, & steriles dominantur auenæ.*

Si dicas, ab exalationibus, vnde Crinitæ fiunt, inquînari semina, infœcundaq; euadere, non tutus eris: nam hæ per Cometam resoluuntur, comburuntur; vnde is abundantie potius

potius, quam sterilitatis causa: neque tunc Cometa, sed eius causa materiaria penuria esset effectrix. Docuit tandem temporum omnium experientia, sicciore annos apud nos fecundos: potius, quam steriles extitisse; quod satis historiae declarant, a quibus habui 1556. 1558. 1575. ut reliquos præteream, quibus annis aridere Cometa, sicciore aëris constitutio inualuit, rerum frugalium fuisse vberissimos, hisque similis 1605. Non mirum igitur, terras, torridæ Zone subiectas, ubi nunquam contingunt pluviæ (ut scribitur) fertilissimas esse. Certò igitur certius est, Crinitas Stellæ non esse causas effectrices naturales supra enumeratarum calamitatum. quod videns Arist. qui primo Meteor. omnia ad Crinitas pertinentia diligentissimè persequutus est, nullum certè verbum fecit de

## 108 Cometologia

huiusmodi prænunciatione, nihilque tale a ceteris existimatum, docuit, adeo ut verisimile sit, antea actis illis scientiarum parentibus, summisque alijs viris, & felicissimis seculis nullam hac de re suspicionem, quidem, aut apud ipsum, aut apud ceteros extitisse: scripsisset autem, si vera, aut verisimilia, probabiliaque fuissent, cum ad naturalem Philosophum sanitatis, ægritudinis, vitæ, mortis, penuriæ, & consimilium causæ pertineant: Sit igitur potius inanis quædam vulgi opinio, inanē timorem coniunctum habens, quam vero Philosopho digna sententia, Crinitas earum esse calamitatum causas. At statim audio Astrologum vocitantem, eas potestates, & vires habere Cometam a genitoribus suis supercœlestibus; ideo an id sit verum, modò videamus: nam diuinus Plato lib. de Sanctitate admonet, nos non debere omnibus, quæ dicuntur, assentiri, sed oportere

tere considerare, an in se veritatem habeant; nec ne.

*Cometas supra enumeratorum malorum, vi cœlitus influxa, effectrices causas dici non posse.*

Cap. XV.

**F**AMOSA quorundam est Astrologorum sententia, Crinitas esse tot supra enumeratorum malorum effectrices causas, accipientes potestatem ab eo fidere, a quo eorum materia fuerit attracta, recta, & gubernata, adeo ut a suis Planetis, & Stellis, tamquam a veris emissoribus, ac genitoribus, non degenerent in producendis effectis, sed paratę sint, præstare omnia, quę sēpiterni illi ignes, abdita via, cœcoque spiritu in miseros mortales eiaculant: pro quorum

# 110 Cometologia

rum omnium exemplo historiam  
 descripti Cometæ ab Haly He-  
 benRodan, vetustissimo Ptholo-  
 mei interprete, sub finem secundi  
 libri Quadrip. in medium affero.  
 Apparuit nobis, ( inquit ) Come-  
 ta ingens, cuius pars solida erat,  
 rotundæ figuræ, triploque maior  
 Venere, cuius claritate totus Or-  
 bis illustrabatur, eratque lux eius,  
 quantum, si quarta pars Lunę lu-  
 ceret, fuit in quinta decima parte  
 Scorpij, mouebaturque motu pri-  
 mi mobilis ab Oriente in Occi-  
 dentem, ita vt velocius proceden-  
 do, ferretur contra signorum or-  
 dinem, donec peruenit ad quintam  
 decimam partem Virginis. Ab eo  
 autem successit inter Mauros di-  
 scordia maxima, prælia atrocis-  
 sima, & cædes innumeræ cum magna  
 Ciuium, & Ciuitatum depopulatio-  
 ne, ac luctu; & siccitas aëris, &  
 annonæ penuria, indeque pestilen-  
 tia maxima, vt mors tum peste,  
 tum

## Marci Grifaldi. III

tum bello fuerit innumerabilium hominum : surrexitque potens Hæreticus, siue Rebells ( nam vt Ioannes Leo scribit , Rebelles in Aphrica in titulo legis , seditiones mouent , ac populum ad se trahunt , dicentes , Maometem sic , & sic velle adorari , atque eo modo tyrannidem occupant , nulli crudelitatis generi parcentes , vt etiam filios ex viuentium matrum vtero extraherent ) qui Regem Mechæ , & Hyetob maximis cladibus affecit . Hæc igitur Cometæ adscripsit Haly , qui eas vires a Cælo habere existimauit ; ad eaque Virgilius alludens , ait ,

— *numquam Cælo spectatum impare  
Cometem .*

Et alio Pontanus versiculo in Meteor. cap. de Cometis .

*Et dirus quatit in terris iacula aspra  
Cometes .*

Verum

## 112 Cometologia

Verum quam vana sit hæc prænunciatio, inde pateat; nam præterquamquod.

*Omnia sunt Stellis tenui pendentia filo.*

Astrologis, ita voluntariè dictitantibus, absque ratione vlla credere, non tenemur; omnes Cometas, Comam; Barbam; eorumque Caudam certo alicui sideri esse appensas; nã & si id aliquando factum scribatur, plerumque tamen Cometæ per se consistunt, a sidere nullo reguntur, vt ex antea dictis planè liquet, quando demonstrauiamus, halituum causam non esse sola sidera, sed multo magis calorem, in terræ visceribus conclusum, qui subterranea mouet. Falsum est etiam, quod tanquam vetum, & confessum sibi sumunt, sidus aliquod virtute hac præditum, vt mortem Principis alicuius, vel bellum ex. g. efficere possit; nam Stellæ omnes sunt causæ uniuersalissimæ, sed par-



particularibus istis facultatibus præditæ non sunt; si etiam talibus ornata fuissent, transfundere in res alias non possent, quemadmodum argumentis insolubilibus Picus demonstravit in opere contra Astrologos. Quod si hoc illis daremus, nihilominus incertum maneret, an hanc suam virtutem per Cometam magis, quam per alia exercerent. Item ab Aristotele, & ab Astrologis audiimus, traiectiones Stellarum eandem cum Cometis habere generationem: nisi quod ista materia, quam hic, est paucior, rarior, tenuior. An igitur quia Stellæ discurrentes metheora sunt minora, sic efficere inferiorum hominum obitum dicemus, quomodo Crinitas Principum, & Magnatum interitum procreare, scribunt? Si affirmabimus, ridebimur; si negabimus, in Naturam, vel hic, vel illic iniuri sumus. Præterea & quid habeat Cometa, propter quod aëre, ac metheoris

## 114 Comētopologia

theoris alijs ignitis aptior existimari possit, & habilior ad recipiendum istiusmodi influxum, non dum vidi : nam si materiam spectes, nihil inuenies: si flammam consideres, in vanū laborabis. Addas, quid demonstrationi ad hominē, iuxta Ptholomei placita, respōdeant, nō habēt. Is enim verbo ultimo scribit. Et erit mors eorū maximè subitanea; quasi dicat, Mors, quā Cometa causat, plerūq; est subitanea, Thurecēsis phisici tract. de Cometis c. 12. & aliorum interpretatione. Quis verò ad Cometarū apparitiones unquā Magnates subito mori, aut vidit, aut legit apud historiarū Scriptores ? His accedit, quod eadē Cometarum fausta, & infasta essent apparitiones; nā Cometa, mortem iā regnātis Principis minitās, ei infastus, futuro successori faustus : cur ergo sceptrum, aliaq; bona ob mortē tollunt potius, quā dent Cometæ ? Neq; vident, quā malè peccent Astrologi in ipsa astra illis

illis tot mala imputantes: nam cum facta sint omnia a summo bono, boni gratia, ut scilicet gignant, foveant, augeant; in mortes, in crimina, in bella, in annonæ caritatē, nullum horum factum est, nec quicquam inde malignū profuit. Neq; obijciāt nobis, quod scriptum est c. 5. Iudicū, videlicet, De Cœlo dimicatū est contra eos, Stellæ cadentes in ordine, & cursu suo aduersus Sifarā pugnaverunt. Nā Stellarū nomine ibi Angeli vocantur, qui dicuntur manere in ordine suo; nam quisq; suo est ordine cœlestis illius hierarchiæ: eorum verò Angelorum cursus dicitur assidua illa, & cōtinens cooperatio, quæ homines custodiunt, & gubernant: atque is est sensus huius sacrae scripturæ loci; non aliter, ac 12. cap. Apocalip. dicitur, Cauda Dragonis illius trahebat tertiam partem Stellarum Cœli, & misit eas in terrā: Quo loco significatur tertia pars

bitratus est Aratus his carminibus

*At si contigerit plures ardere Cometas,*

*Inualidas segetes torrebit siccior aër,*

immo moderata siccitas ad frugum abundantiam summopere conducit: feminum namq; humidum magis compactum euadit, ac proinde efficacius germinat, vinificat, quemadmodum & in animalibus conspiciere facile erit, quorum femina humidiora, infœcunda, testantur Medici, docuit experientia quotidie. Scitè igitur cecinit Poëta, nō a siccitate, sed a pluuiæ sterelitatē pendere

*Infelix lolium, & steriles dominantur avenae.*

Si dicas, ab exalationibus, vnde Crinitæ fiunt, inquînari semina, infœcundaq; euadere, non tutus eris: nam hæ per Cometam resoluuntur, comburuntur; vnde is abundantie potius

potius, quam sterilitatis causa: neque  
tunc Cometa, sed eius causa ma-  
teriaria penuria esset effectrix. Do-  
cuit tandem temporum omnium  
experientia, sicciores annos apud  
nos fecundos potius, quam steri-  
les extitisse; quod satis historiarum  
declarant, a quibus habui 1556.  
1558. 1575. ut reliquos præte-  
ream, quibus annis aridere Come-  
ta, siccior aeris constitutio inua-  
luit, rerum frugalium fuisse vber-  
rimos, hisque similis 1605. Non  
mirum igitur, terras, torridæ Zo-  
næ subiectas, ubi nunquam con-  
tingunt pluviæ (ut scribitur) fer-  
tilissimas esse. Certò igitur cer-  
tius est, Crinitas Stellas non es-  
se causas effectrices naturales su-  
pra enumeratarum calamitatum.  
quod videns Arist. qui primo Me-  
theor. omnia ad Crinitas perti-  
nentia diligentissimè persequutus  
est, nullum certè verbum fecit de

## 108 Cometologia

huiusmodi prænunciatione, nihilque tale a ceteris existimatum; docuit, adeo ut verisimile sit, antea actis illis scientiarum parentibus, summisque alijs viris, & felicissimis seculis nullam hac de re suspicionem, quidem, aut apud ipsum, aut apud ceteros extitisse: scripsisset autem, si vera, aut verisimilia, probabiliaque fuissent, cum ad naturalem Philosophum sanitatis, ægritudinis, vitæ, mortis, penuriæ, & consimilium causæ pertineant: Sit igitur potius inanis quædam vulgi opinio, inanem timorem coniunctum habens, quam vero Philosopho digna sententia, Crinitas earum esse calamitatum causas. At statim audio Astrologum vocitantem, eas potestates, & vires habere Cometam a genitoribus suis supercælestibus; ideo an id sit verum, modò videamus: nam diuinus Plato lib. de Sanctitate admonet, nos non debere omnibus, quæ dicuntur, assentiri, sed oportere

tere considerare, an in se veritatem habeant, nec ne.

*Cometas supra enumeratorum malorum, vi cœlius influxa, effectrices causas dici non posse.*

Cap. XV.

**F**AMOSA quorundam est Astrologorum sententia, Crinitas esse tot supra enumeratorum malorum effectrices causas, accipientes potestatem ab eo fidere, a quo eorum materia fuerit attracta, recta, & gubernata, adeo ut a suis Planetis, & Stellis, tamquam a veris emissoribus, ac generatoribus, non degenerent in producendis effectis, sed paratę sint, præstare omnia, quæ sēpiterni illi ignes, abdita via, cœcoque spiritu in miseros mortales eiaculant: pro quorum

# 110 Cometologia

rum omnium exemplo historiam  
 descripti Cometæ ab Haly He-  
 benRodan , vetustissimo Ptholo-  
 mæi interprete, sub finem secundi  
 libri Quadrip. in medium affero .  
 Apparuit nobis, ( inquit ) Come-  
 ta ingens , cuius pars solida erat,  
 rotundæ figuræ , triploque maior  
 Venere , cuius claritate totus Or-  
 bis illustrabatur , eratque lux eius,  
 quantum , si quarta pars Lunæ lu-  
 ceret , fuit in quinta decima parte  
 Scorpij , mouebaturque motu pri-  
 mi mobilis ab Oriente in Occi-  
 dentem , ita vt velocius proceden-  
 do , ferretur contra signorum or-  
 dinem , donec peruenit ad quintam  
 decimam partem Virginis . Ab eo  
 autem successit inter Mauros di-  
 scordia maxima , prælia atrocis-  
 sima , & cædes innumera cum magna  
 Civium , & Ciuitatum depopulatio-  
 ne , ac luctu ; & siccitas aëris , &  
 annonæ penuria , indeque pestilen-  
 tia maxima , vt mors tum peste ,  
 tum



## Marci Grifaldi. 111

tum bello fuerit innumerabilium hominum : surrexitque potens Hæreticus, siue Rebellis ( nam vt Ioannes Leo scribit , Rebelles in Aphrica in titulo legis , seditiones mouent , ac populum ad se trahunt , dicentes , Maometem sic , & sic velle adorari , atque eo modo tyrannidem occupant , nulli crudelitatis generi parcentes , vt etiam filios ex viuientium matrum utero extraherent ) qui Regem Mechæ , & Hyetob maximis cladibus affecit . Hæc igitur Cometæ adscripsit Haly , qui eas vires a Cælo habere existimauit ; ad eaque Virgilius alludens, ait,

— *numquam Cælo spectatum impure  
Cometem .*

Et alio Pontanius versiculo in Meteor. cap. de Cometis .

*Et dirus quatit in terris iacula aspra  
Cometes .*

Verum

## 112 Cometologia

Verùm quam vana sit hæc prænunciatio, inde pateat; nam præterquamquod.

*Omnia sunt Stellis tenui pendentia filo.*

Astrologis, ita voluntariè dictitantibus, absque ratione vlla credere, non tenemur; omnes Cometas, Comam; Barbam; eorumque Gaudam certo alicui sideri esse appensas; nã & si id aliquando factum scribatur, plerumque tamen Cometæ per se consistunt; a sidere nullo reguntur; vt ex antea dictis planè liquet, quando demonstrauiamus, halituum causam non esse sola sidera, sed multo magis calorem, in terræ visceribus cõclusum, qui subterranea mouet. Falsum est etiam, quod tanquam verum, & confessum sibi sumunt, sidus aliquod virtute hac præditum; vt mortem Principis alicuius, vel bellum ex.g. efficere possit; nam Stellæ omnes sunt causæ uniuersalissimæ, sed par-

particularibus istis facultatibus præditæ non sunt; si etiam talibus ornata fuissent, transfundere in res alias non possent, quemadmodum argumentis insolubilibus Picus demonstravit in opere contra Astrologos. Quod si hoc illis daremus, nihilominus incertum maneret, an hanc suam virtutem per Cometam magis, quam per alia exercerent. Item ab Aristotele, & ab Astrologis audiimus, traiectiones Stellarum eandem cum Cometis habere generationem: nisi quod ista materia, quam hic, est paucior, rarior, tenuior. An igitur quia Stellæ discurrentes metheora sunt minora, sic efficere inferiorum hominū obitum dicemus, quomodo Crinitas Principum, & Magnatum interitum procreare, scribūt? Si affirmabimus, ridebimur; si negabimus, in Naturam, vel hic, vel illic iniuri sumus. Præterea & quid habeat Cometa, propter quod aëre, ac me-

theoris

illis tot mala imputantes: nam cum facta sint omnia a summo bono, boni gratia, ut scilicet gignant, foveant, augeant; in mortes, in crimina, in bella, in annonæ caritatē, nullum horum factum est, nec quicquam inde malignū profuit. Neq; obijciāt nobis, quod scriptum est c. 5. Iudicū, videlicet, De Cœlo dimicatū est contra eos, Stellæ cadentes in ordine, & cursu suo aduersus Sisarā pugnaverunt. Nā Stellarū nomine ibi Angeli vocantur, qui dicuntur manere in ordine suo; nam quisq; suo est ordine cœlestis illius hierarchiæ: eorum verò Angelorum cursus dicitur assidua illa, & cōtinens cooperatio, quæ homines custodiunt, & gubernant: atque is est sensus huius sacræ scripturæ loci; non aliter, ac 12. cap. Apocalip. dicitur, Cauda Dragonis illius trahebat tertiam partem Stellarum Cœli, & misit eas in terrā: Quo loco significatur tertia pars

## 116 Cometologia

Angelorum .. Vnde nihil hic habent Astrologi, quo se tueantur. Quare eos facete admodum notauit Seneca in ludo de morte Claudij Cæsaris, inducens Clothum ita loquentem .. Patiar, aliquando Mathematicos verum dicere, qui illum, postquam princeps factus est, omnibus annis, omnibus mensibus efferunt. Quod si vera sint, quæ scribit Haly, dicerē, permittente Deo, facile incidet quisque in ea, quæ timet; legitur enim cap. 10. Prouerb. Quod timet impius, veniet super eum. Potuissem equidem ab hac difficultate me subtrahere, Diui Basilij auctoritate, dum scripsit, Ridiculum esse, Astrologis contradicere, cum eorū dicta sint ignorantiae, & impietatis plena.. Verum quoniam passim reperiuntur Astrologi, qui cum sciant nihil, omnia tamen se scire profitentur, & maiorem hominum partem permouere, in eorumq; fauorem præstigijs detorsere, pro-

propterea paucula hæc apponere  
volui, & finem capiti imponere ele-  
gantissimis Alciati carminibus in  
Astrologos

*Astrologus caueat quicquã prædicere, præceptum  
Nam cadet impostor, dũ super astra volat.*

Cum igitur Cometæ neque vi pro-  
pria, neque ab astris influxa, possint  
esse causæ supra enumeratorum ma-  
lorum. Videndum modò, numquid  
signa sint.

*Vtrum Cometa sint naturalia signa  
malorum supra enumeratorum.*

## Cap. XVI.

**N**ON desunt inter Astro-  
logos, & Philoso-  
phos magni nomi-  
nis, qui arbitrantur,  
Crinita sidera esse  
naturalia signa inte-  
ritus

ritus Principū, bellorum, ruinæ Imperiorū, penuriæ, & cet. quibus partim suffragatur Pōtanus, ita scribēs in Metheor. primo de Cometis cap.

*Vētorū quoq; certa dabūt tibi signa Cometæ;  
 Illi etiam belli motus, feraq; arma minatur,  
 Magnorū et clades populorū, et funera Regū.*

partim Marcus Manilius lib. primo Astron. propè finem, vbi de Cometis loquitur hunc in modum

*Squallidaq; elusi deplorant arua Coloni,  
 Et steriles inter sulcos defessus arator,  
 Ad iuga mærentes cogit frustrata iuuenços;  
 Aut granibus morbis, & lenta corpora tabe  
 Corripit exustis lethalis flamma medullis:  
 Tabentesq; rapit populos, totasq; per urbes  
 Publica succensis peraguntur fata sepulchris;*

& paulo post

*Quin & bella canunt, varios, subitosq;  
 tumultus,*

Et

*Et clandestinis surgentia fraudibus arma*

& infra

*Civiles etiam motus, cognataq; bella*

*Significant*

Et Virgilius de signis, quæ præces-  
serunt Iulij Cæsaris mortem, quæ  
bellum civile peperit, canebat

*Non aliàs Cælo ceciderunt plura sereno*

*Fulgur, nec dirî toties arserè Cometa*

Poëtarum igitur testimonio suam  
hi satis habent confirmatam prænu-  
ciationem, quæ libranda modò. Ac-  
cipiamus itaq; pro fundamento. Si  
Cometæ affirmantur, supradictorum  
aliquid naturaliter significare, om-  
nino est opus, ut eam cum eo nexû  
habeant, quem signum cû re signata.  
Quomodo, n. significare aliquid certi  
possint, si eius rei signum nō sint? aut  
quomodo signum erunt certæ rei si  
cum eâ connexionem nullâ habeant?

Natu



Naturale vero signum dico, quod suapte natura certi aliquid significat. Si igitur Cometa prædictorum erit naturale signum, necessarium est, ut vel sit causa rei significatæ, vel eiusdem effectus, vel quid ab eadē illa causa profectum, a qua res itidem significata efficitur, atque ita colligationem habebit: nec datur alia connexio, qua res aliqua a se aliud significare naturaliter possit. Austrinus, exempli gratia, vêtus, flare incipiens, futuræ pluviæ signum est, quia causa eius est. Lac signum est corruptæ mulieris, quia ab ea producit. Iris vespertina serenitatis sequuturæ signum est, quia causa, quæ facit, ut Iris vesperi appareat, eadem serenitatem quoque inducit. Qui causas tot malorum faciunt Cometas, satis deceptos fuisse, demonstraui supra. Neq; effectus eorum dici possunt Crinitæ: Etenim qua ratione Principū mortes, bella, ruinæ Imperiorum, Urbium

um excidia , annonæ caritas, & cō-  
 similia Cometas efficiant, imagina-  
 bile non est sapienti viro . Præterea  
 omnes ponunt, toties dictas calami-  
 tates post Crinitas sequi ; effectus  
 verò numquam præcedit causam .  
 Respondent aliqui , quod vulgo di-  
 citur . Capra non dum peperit , hæ-  
 dus tamen saltat in tectis . At hi pe-  
 rinde faciunt , atq; is, qui Medicum  
 neq; conceptum, neq; ortum, ausit af-  
 firmare, admirabiles quasdam sana-  
 tiones fecisse : & Militem , in pri-  
 mordijs suæ generationis latitātem,  
 strages , ruinas , & inimicorum de-  
 prædationes gessisse . Ceterum nec  
 eadem causa Crinitarum, & enume-  
 ratarum calamitatum construi po-  
 test. Cometarum causa est sicci , &  
 oleaginosi halitus copia, ad supremā  
 vsq; aeris regionē sublatis. Interitus  
 verò Principum, urbium, bellorum,  
 & cet. causæ longè aliæ sunt , quas  
 Deus solus scire potest, qui est scru-  
 tator cordium, cuiq; cuncta plana, &

aperta : quod si ex Astrologis vnus,  
vel alter hæc se scire iacet impuden-  
ter, dicat cum Fernando Sanctio

*En ego, qui summū speculatus sum aëra, cladē*

*Non animaduerti, quæ fuit ante pedes.*

Præterea exalatio, quæ Crinitis est  
alimentum, & materia a calore, tū  
in stellarum, tum in terræ sinu in-  
cluso, generatur, in altumq; & ab  
eodem attrahitur, & sponte sua  
fertur, quæ si bellum, Magnatum  
mortes, & cet. creare debet, mille  
alias accidentales causas interueni-  
re, oportet. Liquet igitur, supra  
enumeratarum calamitatū Come-  
tas naturalia signa dici non posse.  
At dicet aliquis, naturaliter talia  
significandi Cometis prærogatiua  
tribuitur, quia experientia docuit,  
multas, easq; naturales calamita-  
tes sequi ad eorum apparitionem.  
Sed eadem, & consimiles etiam res  
aliàs consequutæ sunt, & euenerunt  
eadem

eadem, ac maiores, quem nihil tamen præcessisset. Neq; id, quod post aliud sequitur, ab eo, quod præcessit, indicatur semper. Mortui etiam sunt Põtifices Summi aliquot superioribus annis, & prioribus Carolus Imperator, Rex Poloniæ, Galliæ Reges duo, Rex Hispaniæ, Turcici Imperatores, Princeps Transilvaniæ, alijq; Magnates. Bella etiã plurima inter Christianos, & Turcas, Gallos, Hispanosque; pestilentia, penuriæ contigerunt, quibus nullus præluxit Cometa, vt apud Historiographos adinueni, & confimilia longe plura apud eosdem habentur exempla, quæ missa facio, cum vbiq; omnia apponere non deceat. Alij quoque asserere Cometæ, earum tamen calamitatum nullam fuisse sequutam, legimus: neq; mirum; nam hi ob Vniuersi perfectionem, ornatum, & propriæ formæ generationem sunt: non igitur ob tot mala indicanda, quæ per se ab-

horret Natura, cum simpliciter in bonum ad generationem dirigatur. Concludamus igitur, sinistra-  
rum naturalia signa haud esse Co-  
metas. Modò numquid artificiosa si-  
gna sint, videndum nobis est.

*Utrum Cometae sint eorum, quae dicta  
sunt, malorum signa humana,  
vel diuina.*

## Cap. XVII.

**S**IGNORVM alia sunt naturalia, alia artifi-  
cialia; nec extra haec alia reperiuntur: de  
prioribus haecenus; de Artificiosis modò  
in Cometarum gratiam agemus,  
inquirentes, numquid ab his ar-  
tificiose toties-recitata mala pos-  
sint indicari. Artificiosum signum  
voco, quod non ex sua natura,  
sed

sed ex pacto, & conuento aliquid denotat: estque duplex, Humanum, Diuinum. Quid sit vtrumque, aperire lubet, nam, vt Plato inquit, Non benè iudicat de duobus, nisi qui vtrumque cognovit. Humanum est lapis, exempli gratia, quem terminum appellamus; est enim signum distinctionis agrorum ex pacto, & conuento hominum. Diuinum uero est Iris, exempli gratia, quæ ex pacto, & promissione diuina signum facta Noe prius, inde nobis est, mundum non amplius diluuiio peritulum, vt habetur Genes. cap. 9, Toties dictarum calamitatum, Cometas non esse humana signa, nemo sani capitis est, qui neget: quum non sit hominis excitare Cometas, & in certa aliqua Cœli parte collocare, vt certi aliquid ex pacto, & conuentione significant. Relinquitur igitur, quod sint Diuina, cuius opinionis antiquiores

multi, & recentiores, & præsertim Mizzaldus, Erastus, Martinus Delrio sunt protectores, dum inquiunt, esse signa Crinitas, iram Dei exardescere in genus humanum, qui eo modo vult commonefacere homines de imminente publica calamitate, vel morte Regum, & cet. Cuius opinionis Damascenum 2. de Fide Orthodox. cap. 7. fuisse, scribitur, & Venerabilem Bedã lib. de Nat. rerum, dum ait, Cometæ sunt Stellæ flammis Crinitæ repenti nascentes, Regni mutationem, aut pestilentiam, aut bella, aut vêtos, æstusque portédêtes. Verum cum signa Diuina sint in duplici serie constituta, Aliã, quæ certã habent, & a Deo expressã significationem, Alia quæ generalem tantum, specialem, aut singularem nullam. Prioris ordinis exemplum sit illud, quod cap. 6. lib. Iudicum scriptum est: legitur enim ibi, Gedeoni Madiõnitas inierfecturo, pacto, & conventionem signa duo promississe Deum; primum.

primum fuit, madefacta a rore lana in media area, nocte prima. Alterum, area madefacta, intacta a rore lana, nocte secunda. Posterioris verò generis in exemplum transeant monstra, prodigia, ostenta, & inusitata, præter naturæ cursum communem euenientia ferè omnia. Horum signorum indicationem nulla arte, ratione, ac methodo cognoscere possumus, sed illis tantum licet, quibus a Deo reuelata sunt: est enim hæc artificiosorum signorū natura, ut diximus, ut non aliter, quam ex pacto significant. Non igitur signa Diuina Crinitæ tantorum malorum, neque in genere, neque in specie, cum in sacra pagina nulla extet mentio de portentosa Crinitarum apparitione; neque per reuelationem id habuerint veteris, nouiq; testamenti Coriphæi: neque diuina signa mutabilia; nam Deus, qui ea dat, est immutabilis. Igitur si talia, semper mala indicarent. Sub



mortem vero Neronis non illum  
terris perniciosum, sed summè bonū  
Cometē apparuisse, testatur Corne-  
lius Tacitus: neq; tam facilè in sce-  
lera nostra excandescit Deus Mise-  
ricordiarum (inquit. n.) Nolo mortē  
peccatorum, sed magis vt conuertā-  
tur, & veniant ad me. Huc quoq; fa-  
cit, quod Dominus Hier. cap. 10. di-  
xit, videlicet, A signis Cœli nolite  
metuere, quæ timent gentes. Immo  
si diuina signa essent Crimitæ Stelæ,  
non mala, sed bona; nam si à Deo  
fiunt, & dissoluūtur, vt scribit Dama-  
scenus, videlicet per causas, quas se-  
cundas dicimus, Vidit Deus cuncta,  
quæ fecerat, & erant valde bona.  
Potius ergo ad Cometarum appa-  
ritionem bonum aliquod, miseratio-  
ne Diuina, nobis polliceri, quàm tot  
mala augurari, credamus. Nam,  
Christo nascente, mirandus quidam  
in altis Cometa refulsit, denunciāns  
descensum Dei venerabilem ad hu-  
manæ seruationis, rerumque mor-  
talium

talium gratiam. Quod autem ea fuerit Stella, a doctis iudicata Cometa, testatur Mantuanus dicens:

*Hac quoq; nocte Magi claris videre Cometam*

& longè clarius Origenes cōtra Celsū addens etiā, se legisse in libro Cheronis mōtis Stoici, a Cometis prospera, & salutaria significari. Iure igitur Augustus Crinitā Stellā visēdā magnitudinis, quæ Iulio Cæsare sublato statim apparuit, fœlicitatis, quæ se deposceret, ostentum interpretatum est.

Obiiciēt hic Iuniores, qui se Cœli, rerūq; naturæ iactāt peritissimō exploratores, inter quos vnus Marcus Frytschius Laubanus Hexapolēsis, Aëreos ignes veri Dei esse multarū calamitatū signa vera, atq; ministra; tum quia igne, & sulphure cōflagrarunt Sodoma, Gomorra, & vicinæ Ciuitates; tum quia iratus Dominus Hebræis, Mosi contradicentibus, igne quinquaginta viros

## 130 Cometologia

incensum offerentes , in templo cremavit , Num. 16. Idem Israelitis indignatus , servitute Aegyptiaca liberatis , dum pro labore murmurans , accenso igne , postremam Castrorum partem perdidit , Num. 11. Nadab etiam , & Abia filios Aaron , quod contra præceptum Domini alienum ignem suis turribulis imposuissent , quo tempore incensum erat offerendum , egressus ignis a Domino deuoravit , Levit. 10. Quibus sic esse satisfaciendum puto , quod olim priusquam Deus immortalis humani generis misertus esset , Dominus erat ultionum , exercituum . Modò , suborta luce , & Evangelio coruscante , reconciliatione per Iesum Christum Crucifixum , filium viui Dei vobis impetrata , misericordiarum Dominus , & totius consolationis pater , sua pietate , ubique habetur . Unde non a signis antiqui temporis facile est ad nostram ætatem argumentari . Præterea aliud est , de Cometis

metis loqui , aliud de ignibus in hominum supplicia , a Deo propter scelera varia Cœlitus immiffa. Ad-  
das , in veteri testamento quamplures ignis apparitiones reperiri , quæ non Hebræis ominosæ , sed summe bonæ fuerunt: nam Exod. 3. legitur, quòd Deus dimiffurus Moſem, prudentiffimum Hebræorum Legislatorem in Aegyptum , qui liberaret Israelitas a ſæuiſſima Pharaonis ſervitute , viſus eſt in flamma ignis de medio rubi , dicens ; Sciens dolorem populi mei , & videns afflictionem eius, deſcendi, vt liberem eum. Habetur ſimiliter Exod. 19. quod apparuit Dominus Moſi in caligine nubis ſuper montem Synai , totum fumis , & magno ſtrepitu oppletum, eo quod deſcendiſſet Dominus ſuper eum in igne , & tum aſcendebat: fumus ex eo , quaſi de fornace, eratq; mons omnis terribilis : quo tempore tabulas, in quibus digito Dei cõſcripta erant Decalogi præcepta ,

## 132 Cometologia

Mosi in manum dedit, vt ea Hebræis exponeret. Non igitur omninoſæ, & iræ Dei, in humanum genus efferueſcentis, ſigna ſemper igneæ apparitiones ex ſacris paginis, a quibus nec poteſt haberi (& ſi tales eſſent ſemper) determinatus euentus, nec ſtatuta, & certa a Deo vindicta. Quod ſi, lugubria a Cometis Cœlitus ſignificari, quis daret; ea non nobis, Chriſtique fidelibus, at Hæreticis, alijsque a Chriſti vera fide gentibus imminere, dicat cum Valerio Flacco lib. 6. Argonaut.

*A Ioue fatales ad Regna iniuſta Cometae.*  
& cū Richardo Matero Anglo elegantiſſimis hiſce carminibus pro Cometa anni 1577. conditis.

*Ecce Cometa nouus toto ſplendescit in orbe,*

*Qui importat varijs miſtica certa modis.*

*Ignis enim rapidus Cælo demiſſus ab alto,*

*Terrenam inflammans tam cito materiã,*

*Præ-*

*Præcedens fumus, quæ scintillare videtur,*

*Cauda; præmonstrant nuncia dira mali,*

*Hæreticis ingens ignis, vindicta Dei;*

*Interitus reprobis, bella cruenta, lues.*

*Est ferrû, atq; fames, mors, luctus, lurida pestis,*

*Et mala plura malis iste Cometa notat.*

*Est iubar, & splendor, radiâtis lâpadis instar,*

*Demonstrans populis consilia alta Poli.*

*Est fulgor Christi, vultus conuersus ad omnes*

*Ecclesie fines, quos vagus orbis habet.*

*Aurea stella micâs, longa; propagine crescens,*

*Ecclesiam Christi ritè notare velit.*

*Bideris & splendor sit pulchritudo notanda*

*In Christi sponsa, gloria, forma, decor?*

*Vt Solis nitido quasi lumē in æthere fulgens,*

*Imperium toto signat in Orbe Papa:*

*Sit iubar Ecclesie, vult ostentare triumphū.*

*Qua; reportabant celsa trophæa Ducas.*

*Deniq; pax, & honor, decus, & victoria sūma*

*Christicolis cedit Ecclesie imperium.*

Cum

# 234. Cometologia

Cum itaq; neq; Naturalia, neq; Humana, neque Diuina signa sint Crinita eorum euentuum, de quibus centies iam est facta mentio; Videntum modò est, Vtrum Cometæ aliquius rei naturalis, vel causa, vel effectus, vel signa aliqua esse possint.

*Vtrum Cometa alicuius rei naturalis signa sint.*

## Cap. XVIII.



Quidem non inficior, Crinita sidera naturalia signa certarum rerum esse posse, in quibus tantum Marci Manilij versicu-

lum admitto

*Nunquam fusilibus excanduit ignibus aer*

Quid autem naturaliter significare valeant, scient, qui eorum naturam bene

bene fuerint contemplati: nam si intelligemus, non quidem ex pauca exalatione, vt quædam alia ignita metheora, sed ex multa, fieri Cometen, eiusque flammam assiduo halituum ascensu foueri, quos & vi caloris, & substantiæ similitudine ignita illa flāma attrahit; dubio procul nō ignorabimus, aërem halitibus siccis, & oleagineis esse cōspersum, atq; refertum, qui si absumantur a flamma in parte aëris accensa, aërem tenuiorem, ac puriorem reddi, necesse est, siccitates inde consequi: si verò pars eorum remaneat, non dispulsa a sequente aëris constitutione, vêtos ingenerari, credibile est, inde quoque pluuiarum penuria; non enim in pluuiam densari possunt hoc modo arefacti halitus: hinc etiam ignito derelicto vestigio, neque nubes a frigido cogi, neque densari, & in pluuiam conuerti valent; neque cum Cometa dissoluitur, in aliud, quàm in ventos



## 136 Cometologia

ventos, hoc est, in aspirationem, è qua venti existunt, potest dissolui: quamquam possimus etiam dicere, quod, apparentibus Cometis, eleuantur aspirationes multæ, dum aperiantur spiracula siccitatibus, quarum aliquæ in Cometam transeunt, aliquæ verò a mediæ regionis aëris frigiditate repulsæ, exagitatae, transeunt in ventos: nam, ut videtur Aristoteli, qui in physicis rebus est verè pater, & Magister; fumida exalatio est ventorum materia, quæ turbido, & vaporibus pleno aëre tenuior, limpido, & puro crassior sit, qua ratione ex terra in primam aëris regionem, quæ usque ad nubium locum pertingit, naturaliter effertur: a superiori verò limpidioris aëris regione, præter a frigiditate repulsam, suo ipsius pondere retrahitur: legitur enim cap. 28. Iob. Qui fecit ventis pondus; ne scilicet ferantur. sursum per totum aërem, sed quasi quodam.

quodam pondere depressi ferantur  
circūcirca terrā. Vnde scribit Arist.  
Lychomacho, Athenis Prætoꝛe, quòd  
per paucos dies arsit Cometa iuxta  
circulum Aequinoctialem, quem est  
sequutus vêtus horribilis propè Co-  
rinthum: & anno 1352. extincto  
Cometa, qui sub Septentrione, men-  
se Decembri, apparuit, vehementes  
ventorū flatus subsequuti sunt. Hinc  
Pontanus dixit in sua Metheorol.  
cap. de Cometis

*Ventorū quoq; certa dabūt tibi signa Cometæ.*

Ab his verò tenellæ arbores, horti-  
rique fructus adeo infani detrimen-  
tum certè patientur imposterum,  
& olim sunt passæ. Proinde verò,flan-  
tibus ventis, lapidum in ætum ra-  
ptus, inde casus, Maris, & fluuiorum  
innundationes, accidentaria qua-  
dam consequutione, contingere  
non negamus. Legimus enim (si  
tamen credibile sit) tempore Ana-  
xagoræ, Cometam post Solis oc-

# 138 Cometologia

occasum 75. dies continuos exarsisse ingentis magnitudinis. Mox tantus ventorum impetus obortus est, ut lapidem, vehiculi magnitudine, colore adusto, a rupe auulsum, & sublatum in sublime turbo ferret, donec ad Urbem Thraciæ Aegospamos delatus, a Cœlo decidisse creditus est: quamquam nec rationi, nec philosophiæ refragatur, lapides, quemadmodum grandines, & alia Metheorologica, in aëre generari, quando terrea, & viscosa exalatio, intra vapores inclusa, ab antipari-  
 asi circumstantis frigiditatis inflammatur inflammatione leui, quæ mox ab eadem frigiditate extinguitur: atque ita legitur in Antiquorum annalibus, pluuisse lapidibus. Inter-  
 minores verò refert Ambrosius Pa-  
 reus lib. 14. ubi de Monstris, & Pro-  
 igijs agit, cap. 23. Sugolix ad Hun-  
 ariæ fines 7. die Septembris. An-  
 o Domini 1514. saxum pondere  
 50. librarum. è Cœlo delapsum,  
 quod

quod Ciues, ferrea catena traiectū,  
ex medio Ciuitatis templo pendere  
voluerunt, magni miraculi loco,  
viatoribus commōstrandum. Alte-  
rius rei exemplum mirum sit Come-  
tes, qui apparuit anno 876. solito  
rutilantior, post quem subita, & ni-  
mia aquarum inundatio facta est  
Mense Iunio, adeo vt in Saxonia Vil-  
la quædam, longe a torrentibus, &  
fluminibus remota, in momento cū  
hominibus, bestiis, arboribus, &  
ædificijs penitus absorpta sit, ita vt  
nullum habitationis vestigium re-  
manferit. & 1530. & 1533. a dissolu-  
tis Cometis in Flandria, Romæ, &  
in vniuerso Poloniæ Regno sequuta  
sunt aquarum illuiones periculo-  
sissimæ. Iphis verò halitibus, a Co-  
meta non resolutis, putrescentibus,  
& præsertim accedentibus frequen-  
tioribus pluuijs, quas aër, post Co-  
metæ tempora ad aliquot menses,  
effundere quandoque uisus est, rerū  
quadam vicissitudine reuocata, vni-  
uersi

uersi harmonia, vaporibus accedentibus, se se permiscendo cum ijs inquinatis putrilaginosis aspirationibus, degenerantibusue in consimilem, ob contactum, contagiumq; naturam ad malum disponi, alteratque aërem, aliquando vidimus, legimus, scimus; vnde corporibus, & praesertim debilioris naturæ, morborum genera varia imminere, tunc existimamus. Certam verò materiã de his per Cometæ apparitionem, quæ in scientiam firmam vertatur, haberi posse, & indicari, negamus. Namque anno 1472. Cometa magnus per mensem Ianuarium visus est, & consequuta inde infestissima aeris constitutio ob glaciem, niuem, ruinam, adeo vt maiorem vinearum partem absumpserit: & 1527. alter visus, post quem ingens grando, arboribus, vineis, & frumento damnum dedit maximum, quæ tamē omnia a natura Crinitæ aliena vidē-  
& potius ab ea arceri, quam  
ingc-

ingenerari ea, vel similia debuisse.  
 sent. Putida quoque & superuacua  
 hea nimis iudicamus, rursus appo-  
 nere alia, quæ tamquam a remotis-  
 sima causa accidentaria, & magi-  
 putatitia, quam vera a Cometi-  
 pendere, produci que inuolabilitate  
 Pseudoastrologi iudicarunt.

*De Cometarum perduratione.*

Cap. XIX.



**Q**VANTVM tempori  
 incensus Cometa ex-  
 ardescat, dubium est  
 apud peritissimos vi-  
 ros. Plinius enim ar-  
 bitratus est, non in-  
 fra septem, nec ultra 80. dierum spa-  
 tium extingui posse. At Neronis te-  
 pore Crinitum sidus per sex conti-  
 nuos menses perdurasse, scribi-  
 tur: unde fit, vt alij existimarint

non vltra 180. dies extendi. Et M. Antonius Muretus (quo Plinium aueatur) ad lib. 7. natural. quæstionû Senecæ Notis putat, addendam esse Plinio vnam literam C. vt sit C. octoginta: totidem enim diebus sex menses continentur; illique videtur subscribere Iacobus Pontanus parte prima progymnas. 3. vol. Verùm anno primo Imperij Vespasiani, supra Hierosolymam Cometa stetit, Gladio similis, & per annum integrum conspectus est, vt adnotauerunt Iosephus Ecclesiasticæ historiæ diligētissimus scriptor, & Eusebius rerum Iudaicarum paraphrastes elegantissimus, quibus suffragantur Aegysipus lib. 1. cap. 14. de Excidio Hierosolymitano, & Zonaras Annalium tom. primo. Qui verò apparuit anno 1572: in sedili Cassiopeæ, duos annos durauit, sæpe intuentem Francisco Fernandez Raxo, eodemqueistente libro primo de Cometis ca. Quare potius dicerem, Cometarum

rum tempus, durationem, & occafum, statutis quibusdam diebus, vel menfibus præfiniri non poffe: in longos enim, vel breuiores dies facem illam, in fublimi accenfam, arbitror, pro materiæ, pabulique copia cohærentia, incenfionisque modo protrahi: nam vbi plus materiæ vifcidæ, ac denfæ, incenfioni aptæ, ibi flammam longius perdurare, credimus; vbi minus, contra. Maiori itidem, vberiori; congruo ascendentem halitu, pro pabulo quotidie fucceffuè flammam diutinam foueri, nemo negare audeat: vbi verò deficiat pabulum, vel impurum admodum apponatur, Cometen extingui credimus, quemadmodum lucernæ lumen ob olei inopiam, vel impurioris, inftar fæcis, & amurcæ appofitionem. Varij quoque incenfionis gradus, magis, minus uè intenfiores, ac tardiores perdurationis Cometæ modum variare quæunt; accedentibus etiam alijs, quæ quam-



nis contingant, in esse tamen suo  
 vertuntur, posita in necessarij na-  
 turam; quibus & hanc, non asper-  
 nandam rationem addendam, duxi-  
 mus, quod breuiiores sint Crinitæ,  
 Soli viciniore factæ, ortuque ma-  
 tutino Phœbum præcedentes; con-  
 trariæ verò longius durationis tem-  
 pus agnoscūt. Non igitur sine ratio-  
 ne ducti dicimus, varium, fa-  
 tisque incertum, & in-  
 constans esse Come-  
 rarum tem-  
 pus :



# PROBLEMATATA

## COMETOLOGICA.



VARE plures, neq; sæpe fiunt Cometæ? An quia rarò in sublimem æris regionem illam conscendunt halitus, cum prius in flatus dissipentur, vel in alia ignita metheora vertantur? An quia Elementarius mundus mille modis repurgatur, rarò per Cometas? An quia Solis, & siderum motus non solum exalationem discernit, sed id etiam, quod concretum est, qualis materia esse solet Crinitis generandis accommodata, dissipat, ita vt earum generationi materia non remaneat? An quia inferior natura, certa quadam mundi lege, sursum non semper abire sinit calidos, ac tepentes halitus, quos vt multos intra se continet, ita illis in suarum partium harmoniã qualem.

lemcumque (pèrinde atque humanū corpus) ad statutum tempus vtitur, & sæpius abutitur? Cuius periodum veluti crīsim quandam quoties instare animaduertit, laxatis hinc inde clāustris, vt vegetior fiat, illis se se exonerat, & nouum corporis habitum induit. An frequentius fiunt, quam videantur, & circa crepuscula, quia tunc homines, harum obseruationum cupiditate illecti, vigilant, nocte dormiunt, die videri rarò possunt, & præsertim quando exiles sint; quandoquidem vehementius lumen Solis, minoris Cometæ lucis visionem obtundit?

## Problema II.

**Q**VARE Cometa, qui nobis Australis videtur, alijs ad Septentrionē apparet? An quia diuersa terrarū loca diuersimodè aspectum nostrum fallant ob situm, quemadmodum

modum Tropicus Cancrī, qui nobis ad Meridiem positus est, his, qui ultra illum habitant, ad Septentrionem videtur? An quia vario motu, eoque contrario, veluti mare fluxu, atque refluxu, agitatur quandoque? An hoc haud facile admittendum, cum aliud sit esse, aliud videri?

### Problema III.

**Q**UARE Cometa fixus videtur, flamma verò, & Cauda traijci, & in transuersum moueri? An quia flamma, vt palcarum cumulus, cum exurit, procreatur ob successiuam inflammationem; Cometa verò principium, & finem in se habet exarsionis? An quia Cometæ corpus crassioris materiæ, Cauda tenuioris, ob id illud ad motum iners, hæc suapte natura procliuior, vnde in transuersum agitatur, Cometæ corpore ad visum existente immobili? An id non semper

verum? nā varijs motuum differentijs agitari quandoq; videtur, dum & apponitur pabulum, & ibi incensio procreatur.

### Problema IV.

**Q**UARE Cometæ primū pedales, mox tripedales, octipedales, ac in immensum ferè crescunt, emicant? An quia aspirationes aridæ, Cometarum materia, pauciores, & rariores, primum sursum coaptantur, postea verò confestim, ascendente multitudine, addesantur, ac magis, magisq; oleaginosa substantia, ceu glutino quodā ligante, in longum, latum, & profundum coguntur? An quia modica in primis ardet materiæ portio, inde maior, mox verò tota, cum fuerit incensioni bene apta? An quia ignis celerrima sit generatio?

## Problema V.

**Q**UARE Cometæ corpore ,  
remissius Cauda , &  
Coma lucet , ac sur-  
sum tendit? An quia  
Cauda vnâ cum Coma substantia a  
reliquo Cometæ corpore nihil dif-  
fert , nisi quod rarior , atque leuior  
existit , vnde ob raritatem remissi-  
us lucet , ob leuitatem sursum ten-  
dit? An quia tum Cauda, tum Coma  
sunt Cometæ corpore minoris quã-  
titatis , & in minori quanto minor  
est virtus? An quia ob nimiam di-  
stantiam rarioris visibilis , & ob mi-  
noris luminis speciem obliterari fe-  
rè , & dum longius abire, sursum,  
etiam tendere videntur?

## Problema VI.

**Q**UARE Crinitarum formæ  
tam diuersæ? An quia  
petentis sursum hali-  
tus forma dissimiliter

spargitur? ideoque variae ignitarum impressionū figuræ ab Antiquis adnotatæ fuerunt. An quia, cum raro appareant Cometæ, diuersæ ætates diuersas formas illis adscripserunt, tametsi fortassis non usq; adeo dissimiles fuerint?

## Problema VII.

**Q**VARE circa Septentrionē Cometæ frequenter apparent? An quia illic aëris pigri, & exalationum crassarum est plurimum, ob radiorum solarium imbecillitatem, a quibus sursum, aut deorsum, perdi, & dissipari haud quaquam possunt fumida Crinitarum fomenta, ob contrariam verò rationem inter Tropicos, & in Meridie rari sunt? An quia ibi ignes subterranei plures? An quia sulphurea, & oleaginosa materia, Crinitarum generationi accommodata, ea in parte uberius?

## Problema VIII.

**Q**VARE Cometæ Vere , & Autumno frequentius; Aestate, & Hyeme rarius conspiciuntur ?

Quia prioribus anni temporibus calor Solaris mediocris , & temperato proximus fumidas incendio per opportunas materias sursum eleuare , & illibatas , quò ad eius fieri potest , seruare aptissimus est; posterioribus verò nequaquam. Nam æstate effumigationes facilè distrahuntur; disperduntur ob præpollêtes Solis radios: hyeme verò propter circumfusus frigus , & infirmas eorundem radiorum vires in altum non feruntur , aut frigore nimio , & humiditate suffocantur, vt eruditissime scribit Alexius Vanegas lib.natural.ca. 33. Hyeme tamen, ac Aestate quandoque visos Cometæ, Octavius Vibianus Brixienfis , & Barrientus liberalium



beralium artium Magister proprius  
de Cometis libellis testantur.

## Problema IX.

**Q**UARE Cometæ quādoq;  
de die vidētur? An quia  
ab ijs, qui visus acumi-  
ne pollent, etiā di-  
uersis horis adnotari possunt? An ob  
aëris multam subtilitatem? An quia  
splendor colligitur? An quia dies  
obscura? An quia lux ipsa vehe-  
mens? adeo vt Solis splendor non  
possit illam eripere, visionemque  
omnino delere, & impedire; quibus  
de causis quandoque Venerem, &  
Mercurium in Meridie conspiciamus.

## Problema X.

**Q**UARE Cometæ Cauda  
ad vnguem partem  
Soli oppositam respi-  
cit, & cum Sol occidit,  
Cauda Crinitæ sit adamsim Oriē-  
tem versus? An quia ob raritatem

remissius lucet capillamentum, unde a splendore Solis in eadem parte superatur, in contraria neutiquam? An quia in eadē Solis parte ob eius energiā aspirationes tenues, rariores ad corpus vsque Cometæ, radiorum Solarium vi absumantur, ac dissipantur? An quia levis, & rara materia, Comarum instar, antipathia, si quam cum radijs Solaribus habet, facile in contrariam partem retruditur? An hoc non semper verū, vt adnotauit Georgius Valla in secūdum Plinij? quæ si nouisset Cornelius Gemma, numquam Coelestis naturæ Cometæ Caudam posuisset.

### Problema XI.

**Q**UARE Cauda quandoq; non eundem habet cū Cometa motum? An quia aliquando non illi continua, sed contigua, & errabunda in motu pro pabulo? An quia ab aliquo tunc sidere eius seminari-

um

um attractum etiam in motu regitur, gubernatur? An quia dum ardet Cauda minoris materie, tenuior, & rarior euadit, unde facile in vnā, uel alteram flectitur partem?

## Problema XII.

**Q**UARE Cometæ quantūuis magni, parui videntur? An quia nimia distantia radicem ocularem decipit? nam centesimo passu in altum hebetari nostrum visum tradiderunt optices periti, sic & astra minima videntur, quorum tamen omnium minimum (exceptis Venere, Luna, Mercurio) si vera scribit Alphraganus, decies octies terra maius est. Inter terræ verum interstitium ad proximum Lunæ locum, vbi ardent quasi Cometæ, distantia esse 107250. ferè miliarium testatur Leupoldus, Ducatus Austriæ filius. An quia ad continentis loci magnitudinem relati, sunt veluti pūcta quædā?

## Problema XIII.

**Q**UARE Cometarum colores tam varij observantur? An quia imaginarij ex visus imbecillitate commenti sunt, quem substrata nubecula, & subhumidus, & caliginosus aër eludere facile potest pro varia mediij, & intuentium natura, permissioneq; lucis, & opacitatis. An quia reales sunt in Crinitarum incendio, ubi variè fermentantur pro varia eius, quæ apponitur pabulosa substantia, hoc est pro raritate, densitudineque materiæ, alij, atque alij procreantur? nã, exempli gratia, rara exalatio dat videri cãdidos, & argenteos; densa verò, & crassa sanguine suffusos, atq; proinde variae partium materiæ miscela vario efformat colores.

## Problema XIV.

**Q**UARE Cometæ sphaerici videntur? An quia lux & splendor quilibet, a lōge visus, sphaericam præmonstrat figuram? vt apud Vitellionem x. 54. An quia eam formā a loco sphaerico, aëre nimirum, accipiant? An hoc non semper verum? cum aliquando alterius figuræ conspecti fuerint.

Finis.

Registrum.

A B C D E F G.

Omnes sunt Sexterniones, præter G. qui est Ternio.

PERVSIAE.

Apud Augustos. M. D. CVIII.

*Superiorum permissu.*